


聖濟總錄纂要

共十

武
123
8



門中武
籍 123
卷 8



聖濟總錄纂要 卷之十七



程 林雲來 纂

許 綉芳葉

新安 戴自修肇紀 較

方鴻達干雲

面體門

面黥黥 面疔炮 面鼓炮 面鼓

面體疣目 狐癩 滅癥痕

面黥黥

聖濟總錄卷之十一
論曰黥黥之狀點如烏麻班如雀卵稀則棊布密則不可容鍼皆由風邪客于皮膚痰飲浸漬其形外著或飽食安坐無所作爲養生方所謂積聚不消之病使人面目黧肝是也散之固有常劑若乃塗澤蠲除朝夕從事者又安可已耶

治面黥黥方

雞子一枚 硃砂末一分 二味先研硃砂爲末入雞子去黃

中封固口與雞卵同令雞哺候雞雛出卽取塗面效

治面黥黥方

沉香三分 牛黃三分 薰陸香三分 雌黃各半兩 丁香一分

玉屑三分 鷹屎半兩 水銀一分 共八味先將三味香膏

羅爲末次將玉屑雌黃入乳鉢中研令細方入水銀及諸藥同研令極細入白蜜調和令稀稠得所入瓷盒中盛每至臨卧時塗面黥黥處

杏仁膏 治面黥黥塗之令白潤澤

杏仁去皮尖雙仁一兩半 雄黃一兩 瓜子一兩 白芷一兩

零麥香半兩 白蠟三兩 右六味除白蠟外並入乳鉢中

研令細入油半斤并藥內鍋中以文火煎之候稠凝

即入白蠟又煎攪勺內瓷盒中每日先塗藥後傅粉
大去黥黥

羊髓膏方 治面黥黥塗之令光白潤澤

殺羊脛骨髓二兩 丹砂半兩 雞子白 三味先將髓并

丹砂入乳鉢中研令極細以雞子白調和令勻入盒
中盛每用時先以漿水洗面後塗之

益母草塗方 治面黥黥令光白潤澤

益母草灰一升 一味以醋和為團以炭火煨七度後入
乳鉢中研細用蜜和勺入盒中每至臨臥時先漿水

洗面後塗之大妙

面疔炮

論曰面疔炮者面生皴炮細起如粟殼狀由風熱相搏而
生蓋諸陽在於頭面風熱乘之結而不散故成疔炮養生
方說醉不可露臥及飲酒熱未解冷水洗面令人面發瘡
輕為炮正謂此也

白芷膏方 治面疔炮塗面光白

白芷 白斂各三兩 白朮三兩 白芨 細辛三兩

白茯苓一兩 白附子一兩 右七味擣羅為末用雞

子白和勻丸如彈子大瓷盒中盛每臥臨時先洗面
後取一丸以漿水研化塗面上明旦井華水洗之不
過七日大效

礬石散方 治面疔炮令白塗面

礬石 燒令汁盡 白石脂 各一分 白歛 三分 杏仁 去皮尖研半兩

四味並為散以雞子白調令勻入瓷盒中盛臨時
先用漿水洗面後塗藥明旦以井華水洗之

浮水膏方 治面疔炮令光白

水萍 暴乾五兩 一味擣羅為末以白蜜調和稀稠得所入

瓷盒中盛每臨臥時塗面

面皴炮

論曰諸陽皆會於面風邪熱氣客於膚腠不能流通因發
為皴炮形似米粟色有赤白亦有緣醉酒露卧及飲酒未
解以冷水洗濯而得之有率由風熱在皮膚間外感冷氣
擊搏而成

杏仁膏方 治面皴炮

杏仁 浸去皮尖研半兩 硫黃 研一分 蜜陀僧 研半兩 礪砂 研一分

錢 白鵝脂 鍊成四兩 右五味除鵝脂外再同研如粉人

聖濟總錄卷之十一
四
鵝脂油更研令勻傾入瓷盒子坐塘灰火中養之攪
令稀稠得所成膏每臥臨時以紙拭炮令乾塗之
防風散 治肺臟風毒及過飲成皴炮

防風 一兩

石膏 細研 水飛

小荆子 一兩

梔子仁 一兩

薺芫 一兩

枸杞子 一兩

白蒺藜 一兩

甘草 炙半兩

共八味擣羅為末每服二錢溫水調下食後服

面皴

論曰面皴者是粉刺也面上有皴如米粒此由膚腠受於
風邪搏於津脉之氣因虛而作亦去傅胡粉散入虛肌使

之然也

白欵膏塗方 治面粉皴

白欵

白石脂

杏仁

去皮尖雙仁 研各半兩

三味擣羅為

末更研極細以雞子白調和稀稠得所瓷盒盛每臨
臥塗面上明旦以井華水洗之

兔絲汁塗方 治面粉皴

兔絲苗 一握

一味擣絞取自然汁塗面上不三五次效

石棗膏塗方 治面粉瘡癩如麻子

石灰 二兩

粟米 二合

二味將石灰研細同粟米內甕中

以水浸三宿取出研如膏暴乾重研如粉以面脂調
勻入瓷盆中盛每洗面訖拭面塗之
面體疣目

論曰風邪入於經絡氣血凝滯肌肉弗澤發為疣目或在
頭面或在手足或布於四體其狀如豆如結筋綴連數十
與鼠乳相類故謂之疣目

去疣目方

石灰二兩 一味以苦酒漬七日滴汁點疣上即落

又方

牛口中涎 用以塗疣上自落

又方

艾 一啖作注於疣目上灸之三壯即除

狐癩

論曰陰陽之在人血與氣爾二者調適則行流散徙莫或
凝滯達於形色暢於膚理無不得其和苟失其宜血氣從
而凝積此所以有狐癩之病其候不一有曰狐癩有曰體
癩有曰漏腋狐癩者指其腋間體癩者舉其大槩漏腋則
又言其溼而生瘡者不可不辨也

治丈夫婦人腋氣不可近者方

右方以開通錢四十九文用銅筋穿入炭火內燒赤醋浸四十九次碾羅為細末入麝香一分研和勻先用熱酒洗腋下後以藥末搯腋下數次永除臭氣

治腋氣人不可近者方

石灰_{二兩} 桑柴灰_{一兩} 炭灰_{一兩} 雌黃_{一兩} 四味同研

末水調塗於腋下可一食久即以柳木篦子刮藥其腋下毛並落然後用四灰散

治腋氣四灰散方

粉霜 艾葉灰 礬石灰 鉛灰無卽用胡粉
蜜陀僧代之

四味唯艾葉灰稍多餘並等分研令極細先以醋漿水洗拭乾卽傅之不過三五上永除臭氣如要試但傅藥蒜上良久自無臭兼治脚汗

治腋下溼汗不止及足心手掌陰下股裏常如汗溼殍方

乾薔薇根 乾枸杞根 甘草炙各半兩 商陸 胡粉

滑石炙各一兩 右六味先將四味搗羅極細卽入研者二

味拌勻以苦酒許和塗當微汗出夜復更塗之不過

三傳愈

丁沉丸方 治七竅臭氣

沉香一兩

丁香半兩

甘草炙半兩

白瓜子仁一兩

藁本三分

當歸

芎藭

麝香

共八味研七味為細

末後入麝香拌勻鍊蜜丸如小豆大每服溫酒下二

十九日三含化令徧體俱香

滅癩痕

論曰風熱諸毒留於腑臟發於肌肉而為瘡癩病後瘡愈餘毒未殄故瘡痂雖落而癩痕不滅治法既有塗澤膏潤之劑亦須賴榮衛平均肌溫氣應外宜慎風冷也

辛夷膏方 治面上癩痕塗之

辛夷一兩

兩

鷹屎白

杜若

細辛

各半兩

白附子

三分

共五味除鷹屎外並剉碎以酒兩盞浸一宿別入羊髓五兩銀石鍋中以文火煎得所去渣將鷹屎研如粉內膏中攪勻再以微火煖入盆中每日三塗瘡癩

上避風

當歸膏方 治面上癩痕塗之

當歸

白芷

烏雞糞

以猪脂三斤飼雞三日後取乾雞糞各一兩

鷹屎白

半兩與雞糞同研

右四味先將當歸白芷剉碎酒浸

一宿別鎔豬脂一斤消後入浸藥并酒文火煎之候
白芷黃色去滓將雞屎鷹屎內膏中攪勻傾入瓷盒
中每日三塗癩上避風

臘脂膏方 治面上癩痕塗之

臘月豬脂斤四 大鼠一枚 二味入鐺中以文火煎之待

鼠銷盡以新綿濾去滓入瓷盒盛每用先以布拭令
癩痕色赤次以膏塗之三五度差慎風

雞子膏方 治瘡癩痕無問新舊塗之

雞子五枚 一味熟煮取黃於鐺中炒如黑脂膏以物先

指癩痕然後塗膏日三次卽自滅

麥麩散 治面癩痕凸塗之

右方秋冬以小麥春夏以大麥麩細擣爲散酥和傅封

癩痕上

真玉磨方 治面上癩痕

真玉 取平處一面磨癩痕久則無痕

髭髮門

烏髭 榮養髭髮 鬚髮黃白 白禿

赤禿

髮髯髮統論

論曰足太陽血氣盛則眉美足少陽血氣盛則髯美足少陰血氣盛則髮美手陽明血盛則髭美夫經絡所至不同血氣各有所屬眉髯髮髭率本於經絡之血氣或黑或紺或黃或白可以知盛衰蓋血氣在人猶水之津也髭髮猶津之有多也津之稠澤而多隨之則髭髮本氣血可知矣烏髭髮

論曰髮本於足少陰髭本於手陽明二經血氣盛則悅澤血氣衰則枯槁容貌之間資是以資飾則還枯槁為悅澤

法焉可廢乎

地黃丸方 烏髭髮

生乾地黃斤一 生薑汁五合 巨勝子 旋復花

熟乾地黃 乾椹子各二兩 共六味除二味汁外擣羅

為末先將前二味汁用銀器煎熟看稀稠將藥末和丸如彈子大每服夜飲酒半酣後含化一丸

指牙烏髭方

皂莢懷州者十條 以地黃自然汁生薑自然汁各半盞和

勻旋刷皂莢於火上炙以二藥汁盡為度研細為末

入青鹽拌勻逐日擦齒藥用經旬效

鬚髮黃白

論曰足少陰血氣盛則髮潤澤而黑足太陽血氣盛則鬚潤澤而黑二經血氣虛乏則鬚髮變為黃白然則還其潤澤復其紺黑雖有傳染之法曾不如益血補氣為常服劑蓋血調適則滋澤外彰其視用傳染之功遠矣

乾漆丸方 治鬚髮白可以變黑

乾漆炒令烟盡

栝子仁炒

生乾地黄

熟乾地黄

各一兩

共四味擣羅為末研糯米飯和擣三五百杵塗酥丸

如梧桐子大每服二十九空心温酒下

治鬚髮黃白變令黑色倒行油方

右方取銀子三兩作小盒子盛汞一兩以乾水蛭七枚為末同入盒內用蚯蚓泥固濟約半指厚深埋在馬糞中十九日取出已化為黑油矣用魚胞裹指頭點藥搵之

白禿

論曰蟻之為害因血氣虛乘風而上則能生瘡疽癬癩疥無不為也瘡痂不去而痒鬚髮禿落無復生榮是為白禿

五味子膏方 治白禿髮落

五味子 肉蓯蓉 松脂 蛇牀子 遠志 各三兩

雄黃 研 雞糞白 雌黃 研 白蜜 兔絲子 五兩以酒浸一宿各一兩

石藥及雞糞白再研令如粉下豬脂松脂入鍋中同

熬化復下諸藥文火煎稀稠得所以綿濾去滓瓷盒

盛每用先以桑柴灰汁洗頭令淨後塗藥不過三次

髮落生

赤禿

論曰諸陽脉皆在於頭風熱乘之則陽邪熾盛發於頭皮
腦絡之間細瘡徧密赤色有汁痒痛侵淫乃至髮落故名

赤禿

旱蓮汁方 治赤禿髮落塗之

旱蓮草 三兩 鐵粉 一分 二味先將旱蓮草擣絞取汁次

入鐵粉研令極細入盒中每用先以泔漿洗頭次

牛羊角灰方 治赤禿髮落塗之

牛羊角 等分 煨灰 一味研如粉以豬脂調傅之

馬蹄灰方 治赤禿髮落塗之

馬蹄 燒灰

一味研如粉用臘月豬脂調塗之

椹汁方 治赤禿髮落塗之

黑椹斗

一味內瓶中密封於北簷下埋之百日即變

為水每用淨洗頭次塗髮即生

眼目門

肝虛眼

肝實眼

目胎赤

眼目統論

論曰內經曰肝主目又曰在臟為肝在竅為目難經曰肝氣通於目目和則知五色矣內經又曰心者五臟專精目

者其竅也夫目既為肝之竅矣又為心之竅何也曰目者五臟之精華固不專於肝也所謂骨之精為瞳人筋之精為黑血之精為絡脉氣之精為白睛肉之精為約束是也析而言之則通乎五臟合而言之則主於肝夫惟通乎五臟故曰精明五色者氣之華於此乎觀五臟有餘不足六腑強弱形之盛衰以此參伍决生死之分夫惟主於肝故肝虛寒則目眈眈視物生花肝實熱則目痛如刺肝中寒則目昏而瞳子痛肝熱冲睛則目眦赤痛生瘰肉不特如此神志俱悲而泣下則以水火相感故也一水不勝五火

聖濟總錄卷之十一
而目盲則以陰陽各併故也夫五臟陰陽其變動俱感於目又况攝養失宜動過生疾者耶或多熱食或嗜五辛或喜怒不時或房室不節以至凌寒冒暑處溼當風哭泣不寐凡過用目力皆至疾病其候不一養生者不可不知也
肝虛眼

論曰肝虛眼其證不一巢氏折之有忽然發腫者有淚出不止者有睛生翳膜暈者有視物漠漠不能遠視者有精彩昏濁黑白不明而暈者蓋肝開竅於目腑臟精華之所聚也氣血既衰不足以榮養故證狀之異如此龍木論有

肝臟虛熱外障謂其證忽發昏澁淚出痒痛摩隱瞳人黑睛腫漸生翳障視物不明者宜審治之

栢子仁丸方 治肝虛視物漠漠不能遠見睛輪昏暗澁痛翳暈時聚補肝丸

栢子仁 薏苡仁 烏麻仁 車前子 枸杞子

菴藷子 兔絲子 酒浸別搗 木各一兩 杜荆子 青菴子

五味子 蛇牀子 桂心 菊花 山藥 各半兩

熟乾地黄 肉蓯蓉 酒浸切焙 白茯苓 各一兩

右七味搗羅爲末鍊蜜和丸如桐子大每服二十

九空心温酒下

石决明丸方 治肝虚血弱日久昏暗

石决明 兔丝子 酒浸一宿 别研末 五味子 各一兩 熟乾地

黄 细辛 知母 山药 各一兩 七味为末 鍊蜜和丸

如梧桐子大 每服三十九空心米饮下

地黄丸方 治肝虚痰出不止翳晕侵睛视物不遠或睛

昏濁黑白不明

熟乾地黄 五味子 兔丝子 酒浸一宿 别搗 麩仁 去皮

車前子 各一兩 白茯苓 栝子仁 研 细辛 甘草

防風 各半兩 其十味为末 鍊蜜和丸如桐子大 每服二

十丸空心温酒下

肝實眼

論曰肝氣通於目其氣平則諸疾不生過實則生患乃有肝實眼之證令人目痛如刺久不已則目赤而生淫膚息肉治宜瀉之又當視其老壯凡人五十以前可服瀉肝湯過五十則不可或有是疾當不得已而用之

菊花散方 治一切眼疾肝熱上攻羞明畏日淚出

菊花 一兩 蜜蒙花 甘草 生 梔子仁 芎藭

大黃 各半兩

蒺藜子 炒去角

防風

當歸 焙切各一兩

九味為散每服二錢食後臨臥麥門冬熱水調下

生地黄湯方 治肝實熱眼熱痛不止

生地黄汁

蜜

車前子汁

三味和勻各二兩

玄參

升麻

梔子仁 各一兩

芍藥 一兩

細辛 半兩

共八味羅五味

為末每服五錢水煎入前三汁再煎溫服

點眼煎方 治肝實熱目背熱痛

梔子仁

蕤仁

決明子

微炒各一兩

石膏

二兩

車前葉 三合

竹葉 二握

秦皮 三分

白蜜

三兩後入

共八味剉碎七味以井華水五斤煎取汁一升再入

蜜調勻瓷器中重湯煮如稀餲每點如大豆許

羚羊角散方 治肝臟實熱眼目昏暗時多熱淚

羚羊角

羌活

玄參

車前子

黃芩

括樓仁

山梔子

各半兩

胡黃連

菊花

各三分

細辛

一分

為散每服二錢食後竹葉熱水調下

目胎赤

論曰目胎赤者緣在胎時母嗜五辛及餌熱藥傳移胞藏內稟邪熱及至生長兩目赤爛至大不差故名胎赤又人

初生洗目不淨穢汁潰壞者亦有之內外之治小異也
羚羊角湯方 治胎赤眼久不差昏暗漠漠瞳人脹痛

羚羊角屑三兩 防風 芍藥 麩仁 麥冬 地骨皮

决明子 甘草炙各二兩 茯神去木三兩 每服五錢水煎食

後臨臥服

治胎赤眼點眼梨汁煎方

梨汁殺汁一盞 古字銅錢二七文 胡黃連末二錢 青鹽半兩

龍腦一錢 共五味先將古錢二七枚重重着青鹽隔每

一重錢着一重鹽疊之填滿錢孔中入火燒令通赤

去灰塵投入前梨汁中浸一復時去錢將汁煎三五

沸以新綿濾入瓷器瓶內入胡黃連末浸七日去黃

一連龍腦末令勻要用以銅筋點少許在目眦頭

治胎赤眼點眼龍腦膏方

龍腦研一錢 麩仁去皮一分研 杏仁七枚湯浸去皮尖雙仁研

三味研如膏用人乳汁調和令勻瓷盒中盛每用以

銅筋點少許在目眦頭日兩度

目赤痛 目熱礮痛赤腫

目赤痛

論曰內經謂心主血又曰肝受血而能視蓋肝開竅於目若肝氣壅盛心經熱實熱氣既熾血乃滂溢而上衝於目故令目赤痛也難經所謂痛者為實宜散壅滯決邪實則病可已

羚羊角湯方 治肝心氣熱目赤痛

羚羊角一兩 蔓荊實去白皮 菊花 防風 芍藥各一兩半

黃芩一兩 玄參半兩 每服三錢煎再入馬牙硝半錢食

後溫服臨臥再服

旋復花湯方 治目赤痛

旋復花 升麻 秦艽 防風 羚羊角 萎蕤各一兩

黃連 柴胡去苗葉 黃檗去粗皮 甘草炙各半兩

每服五錢水煎食後溫服臨臥再服

乳汁煎點眼方 治肝熱目赤痛

人乳汁半兩 古字錢十文 二味以乳汁於銅器中磨錢

令變色稀稠成煎即止內瓷瓶盛每以銅筋點少許

目背頭日三五次

犀角湯方 治赤眼腫痛

犀角末 秦艽二兩 黃連 馬牙硝 滑石 杏仁去皮

尖雙仁半
兩出油

右六味為末和勻以沙糖一處入藥熬成膏每用皂子大沸湯化洗之

通頂散方 治赤眼腫痛

苦葫蘆子

四十粒

穀精子

研一錢

瓜蒂

十四枚
燒灰

乳香

研半錢

薄荷葉

一錢

五味為末入龍腦少許鼻內搐一

字立效

石膏散方 治上焦壅熱目赤口乾

石膏

甘菊花

羌活

白附子

白殭蠶

玄參

黃連 共七味等分為散每服二錢生薑茶酒調下

目熱礮痛赤腫

論曰五臟六腑之精華皆上注於目若風熱搏於腑臟毒氣乘肝衝發於目則熱氣外泄淚下眵多日夜暴燥故熱礮痛赤腫也

地骨皮湯方 治風毒衝眼赤痛朝乾礮

地骨皮

甘菊花

釋

升麻

黃連

防風

決明子

微炒

細辛

各一兩

竹葉

共八味除竹葉外擣篩每服

五錢入竹葉七片同煎服食後臨臥再服

龍煙湯方 治眼礮澁如針刺血痛昏暗

生麥門冬一兩 木通一兩 熟乾地黄三兩 旋復花

大青 茯神各一兩 黃連各一兩 每服三錢水煎入芒

硝半錢攪勻食前溫服

地骨皮散方 治風毒氣上攻兩眼礮澁疼痛及暴赤眼

地骨皮 羌活 防風 土蒺藜去刺微炒 甘草炙一兩

為散每服二錢荆芥茶清調下如患暴赤眼濃煎甘

草湯調下食後臨臥服

洗眼麩仁湯方 治目熱赤痛礮澁

麩仁去皮 秦皮 防風各一兩 甘菊花半分 竹葉二握

山梔子仁 姜麩各半兩 共七味剉如麻豆以水五盞

煎取二盞半熱淋冷頓煖淋洗痛止則止即住煎藥

不得犯鐵器

點眼黃連煎方 治眼目暴赤礮澁疼痛

甘蔗十二兩 黃連研半兩 二味於銅器中以慢火養令

汁涸去半以綿濾去每日兩度點

目赤爛 目血灌瞳人 亦脈衝貫黑睛

目赤爛

論曰目赤爛者驗皆俱赤且爛見風益甚又謂之風赤眼

此由衝冒風日風熱之氣傷於臉眥與津液相搏故令赤爛也迎風則痒淚出遇熱則傷爛眥多治宜鎮平肝氣滌洗臉膚則清淨之竅自然明矣

菊花湯方 治風毒氣攻眼生瘡爛

菊花 升麻 黃連去鬚 木通 防風去義 白茯苓

地骨皮 萎蕤各一兩 右八味擣篩每服五錢入竹葉

十片同煎去滓空心日午臨卧溫服

芫胡洗眼湯方 治眼赤痛微腫眥赤爛多時

芫胡去苗 蕤仁去皮研 黃連去鬚 升麻各一兩

右四味擣篩以水三升煮取一升半濾去滓微熱淋

洗如冷再煖洗三遍

黃連散方 治赤白眥爛生瘡衝風淚出

黃連去鬚 雄黃研各一分 細辛去苗藥 黃檗去粗皮各三分

乾薑一分 右五味擣羅為散研令極細以密器盛每用

二黍米許點兩目眥日三度

目血灌瞳人

論曰目屬肝肝受血而能視則目瞻視必資血苟因物損傷致血脈散亂則敗血侵睛灌注瞳人害於瞻視不早治

或致喪明故謂之血灌瞳人

人參湯方 治血灌瞳人澀痛

人參 赤茯苓 細辛 桔梗 車前子各一兩 防風

去 五味子各半兩 共七味搗篩每服五錢水煎溫服

食後臨臥再服

决明湯方 治血灌瞳人

石决明 人參 川芎 細辛 五味子各一兩

赤茯苓二兩 右六味搗篩每服五錢水煎溫服食後臨

臥服

沒藥散方 治血灌瞳人

沒藥一兩半 騏驎竭 大黃炒 芒硝各一兩 右四味

搗研為細末每服三錢熱水調下空心食後日三

赤脉衝貫黑睛

論曰眼者五臟之精華若風邪熱毒內干於臟腑則隨其經絡上衝於目故令赤脉衝貫黑睛也上下左右各有部分不可不察其從大眥侵睛而痒者肺胃熱也其從小眥起者手少陽脉動虛熱也其自上而下者足太陽脉動邪熱也其自下衝上者足陽明脉動邪熱也其源不同當察

其部分依經以治之

通明湯方 治三焦熱治小眚偏赤赤脉射黑睛

木通 姜麩 甘草炙各一兩半 枳殼去瓢麩炒 黃芩去黑心

右五味搗篩每服五錢水煎入芒硝地黃汁各少許

再煎沸溫服

黃耆湯方 治眼上下赤脉貫黑睛

黃耆 芍藥 知母 升麻 犀角屑各兩半

苦竹葉五十片 右六味搗篩每服五錢水煎入芒硝少許再煎溫服

摩頂明目膏方 治風熱衝目赤脉怒肉

生麻油二升 真酥五兩 車前葉 淡竹葉洗各半兩

吳藍 大青 黃連去鬚 山梔子仁 麥門冬

槐白皮 甘草炙 柳白皮 黃芩 馬牙莧實

生犀角鎊 馬牙硝別研 朴硝別研各一兩 鹽花研半兩

右十八味除硝鹽油酥外細通油瓷瓶中綿罩口重湯煮三復時換去滓更新綿濾過置生鐵器中每日飯後及臥時開髮滴頂心以生鐵熨斗子摩頂一二千下兼去目中熱毒昏障痛澁

墜睛 蟹目 目珠子突出

墜睛

論曰墜睛者眼因賊風所吹血脉受寒貫衝瞳人風寒氣
隨眼帶牽拽睛疇向下名曰墜睛也日久不治瞳人損陷
遂致失明

犀角散方 治墜睛眼時發疼痛視物散亂

- 犀角 羚羊角 各半
- 青牛膽 一枚
- 五味子 槐實
- 羌蔚子 青葙子 惡實 炒
- 胡黃連 盧會 研
- 地骨皮 各一錢
- 兔肝 炙乾 一具
- 右十二味除膽外搗研為

末以膽汁拌勻每服二錢煎槐子湯調下卧再服忌

發熱毒物

槐實丸方 治墜睛失明眼睛牽陷

- 槐實 羚羊角 獨活 地膚子 天麻 沙參
- 人參 各一兩
- 防風 去義
- 甘菊花 枳殼 炒各一兩
- 決明子
- 右十一味搗羅為末鍊蜜和搗百杵丸如梧桐子
- 大每服三十九丸空心臨臥漿水下

蟹目

論曰臟腑壅滯肝經積熱上衝於目令人目痛睛疼者毒

氣結聚甚則黑睛上生黑珠子如蟹目狀故以名之或有如豆者名曰損翳或曰離睛又曰蟹睛病極難治不可鈞割及傳諸毒藥唯宜服宣泄之劑使邪熱退病差矣

瀉肝補膽防風湯方 治蟹目疼痛

防風半兩 遠志 黃芩 人參 桔梗炒 細辛

芍藥各一兩 右七味搗篩每服五錢水煎食後臨臥服溫

萎蕤犀角散方 治眼生蟹目黑睛疼痛

萎蕤 犀角 蕤仁湯浸去赤皮 黃連去鬚 黃芩

梔子仁 甘草 升麻各等分 共八味搗羅為散每服

三錢水煎食後臨臥溫服

瀉肝黃芩羚羊角湯方 治蟹睛疼痛

黃芩 羚羊角 赤芍藥 細辛 桔梗炒 人參

遠志 甘草炙各半兩 防風去叉一兩半 右九味搗篩每服

五錢水煎食後臨臥溫服日再

目珠子突出

論曰人因風熱痰飲攻瀆腑臟陰陽不和肝氣蘊積熱毒之氣上衝于目使目睛痛疼甚者突出治宜先服寒藥以瀉肝氣然後調治勿求速效惟漸治之仍須微鍼引出惡

汁也

麥門冬 芫蔚飲方 治風熱攻目赤痛目睛欲凸出者

麥門冬 芫蔚子 各二兩 桔梗 炒 防風 玄參

知母 各一兩 黃芩 去黑心 天門冬 去心各一兩半

右八味搗篩每服五錢水煎食後臨臥溫服

黃連湯方 治風毒衝眼赤腫睛欲突出洗眼

黃連 去鬚 秦皮 黃檗 去粗皮各一兩 乾棗 十枚去核 麩仁 三分

右五味咬咀如麻豆大拌勻每用一兩半以水四盞煎至二盞稍熱去滓抄洗眼冷即重煖日三度

治睛眼忽然突出一二寸者冷水灌

右方急取冷水灌眼中數次換水須臾睛當自收

目見黑花飛蠅 息肉淫膚 目生齧肉

目見黑花飛蠅

論曰腎水也肝木也木得水而盛其理明矣腎水既虛肝無以滋養故見於目者始則眵眵不能矚遠久則昏暗見黑花飛蠅其證如此腎虛可知也治宜以益腎水去肝風之劑則標本兩得矣

治肝腎風虛眼生黑花宜服此方

磁石 二兩燒醋淬七 神麴 四兩 硃砂 一兩細研水飛

右三味搗羅為末鍊蜜和搗一二百杵丸如梧桐子大食後酒下二十九

治肝腎虛風上攻眼生黑花頭目不利能通神延年

川椒 一斤 一味揀淨去目并閉口者於銚內炒令透於

地上鋪淨紙二重新盆合定周迴用黃土培之半日去毒出汗然後取之乾為度只取椒於瓷盒子內收每日空心新汲水下十粒

五倍子丸方 治眼見黑花去翳明目

巴戟天 一兩 枸杞子 二合 甘菊花 三兩 旋復花 四兩

蜀椒 去目并閉口者五兩 右五味將椒入銀器內入青鹽四兩

醋二升慢火煮乾如器物小旋添醋煮候醋盡又將椒與前四味焙乾杵為末鍊蜜和丸如梧桐子大每服三十九至四十九空心午夜臨卧温酒或鹽湯下

枸杞丸方 治肝腎風氣上攻眼生黑花

枸杞子 久暴二兩 巴戟天 穿心紫色者去心 蜀椒 去目并閉口者炒出汗各

一兩 旋復花 擇淨 右四味搗為末鍊蜜和丸如梧桐子

大每服三十九臘茶下不拘時

兔肝丸方 治肝腎毒風攻衝眼生黑花昏暗視物不明

兔肝去筋膜切焙 羌活 黃連 菊花各三分 地骨皮

龍齒 防風 芫胡 車前子 青葙子 白附子

萎蕤各半兩 右十二味搗羅為末鍊蜜丸如梧桐子大

每服二十九食後竹葉湯下

息肉淫膚

論曰脾肺有熱蘊積不散傳播肝經流注血脉上衝于目發于臉背息肉脹起攀系白睛隱澁妨悶故謂之息肉淫膚

桔梗湯方 治目生鷄冠蜆肉

桔梗 大黃炒 細辛 黃芩 玄參 芒硝鍊過者各一兩

防風 車前子各一兩半 右八味搗篩每服三錢水煎食

後溫服

點眼蝸牛漿方 治息肉淫膚赤白膜曾見人說治小兒

痘後生翳以蝸牛汁丹砂滴目中效

生蝸牛一枚 一味去其掩內丹砂末於口中火上炙沸

以綿注取汁傅于背中立效

點眼雀糞膏方 治息肉淫膚赤白膜

雄雀糞 一味取細直者以乳汁和研細點傳翳上

又方

杏仁 湯浸去皮尖 雙仁用七枚 一味嚼細吐于手掌內以綿纏

筋頭點于翳肉上不過三五度差

點眼食鹽膏方 治眼中息肉

食鹽 研一分 驢脂 兩一分 二味先熬驢脂後下食鹽調成

膏以銅筋點如黍米許於目背頭日三夜一

通神膏方 治眼生翳膜赤脉息肉澁疹痒痛有淚

白沙蜜 四兩 青鹽 研 麝香 研各一字 硝砂 飛過半字

白礬 飛過半字 當歸 為末半錢 黃連 去鬚為末一錢 右八味同研

令研勻入青竹筒內慢火煮半日候冷綿濾去滓瓷

瓶收貯每點眼了瞑目少時以溫湯洗翳與息肉等

俱下

目生翳肉

論曰目生翳肉者由脾肺不利風熱乘之其候或痒或痛赤瘀而爛壅熱既久息肉增長近則侵睛輪大則覆瞳人治不可緩鉤割熨烙各自有法至於祛風滌熱之劑豈可偏廢哉

玄參散方 治目赤痛翳肉滿疼

玄參 甘菊花 决明子 大黃炒 苦參 車前子

枳殼炒 山梔子仁 防風 黃連去鬚 升麻各二兩

右十一味擣羅爲細散每服三錢食後以米飲調服

臨卧再服

决明散方 治眼生翳肉侵睛及贅肉生瘡暈眼赤

决明子 車前子 青箱子各半兩 黃連去鬚 萎蕤

甘草炙 羚羊角 枳殼炒 芎藭各一兩 右九味搗

羅爲細散每服三錢食後温漿水下臨卧再服

升麻丸方 治熱痛翳肉生瘡

升麻 車前子 黃芩 羌蔚子 玄參 决明子炒

龍膽 山梔子仁 防風 甘草炙 生地黃

地膚子各一兩 右十二味擣羅爲細末鍊蜜丸如梧桐

子大每服二十九食後温漿水下臨卧再服加至三

十九

點眼艾熏散方 治目生翳肉

蕤仁研細一兩 膩粉錢一 牛酥一兩 熟艾如雞子大計

右四味搗三味入乳鉢中令極細攤開次取艾火燒

聖濟總錄卷之十一
將乳鉢覆令煙熏之候燒盡艾煙以槐木椎碎研令
煙氣勻然後少少點眼背頭日三五度

鯽魚貼方 治目生胬肉澁痛

鯽魚鮮者

一味去皮骨淨取肉一片中央開一竅正貼

眼上日三五度易

目内生瘡

目膿漏

目生珠管

雀目

目驗垂緩

目驗垂鞭

倒睫拳攣

目内生瘡

論曰目内生瘡者以脾臟毒熱熏蒸于上鬱而不散遂令

臉内生瘡其初患時或痒或痛發歇無常或多眵淚背門
如丹砂色於是漸有翳膜龍木論謂不宜點藥鍼灸惟宜
服瀉脾清膈之劑滌蕩本源當如是也

决明子丸方 治肝肺熱毒氣攻兩眼生瘡赤痛

决明子炒

菊花

秦皮

黃連

去鬚各一兩

車前子

地骨皮

各一兩半

黃芩

羚羊角

生乾地黄

焙

山梔子

菱蕤

秦艽

各一兩

青葙子

白茯苓

各一兩半

升麻

一兩

右十五味搗羅爲末鍊蜜丸如梧桐子大每

服三十丸食後溫水下再服

梔子湯方 治肝心熱毒目生瘡及礮痛

梔子仁半兩

犀角屑一兩

木通

黃芩各半兩

大黃炒

瞿麥穗各一兩

黃連去鬚

車前子一兩

右八味搗篩每

服五錢入竹葉七片同煎入芒硝末半錢放溫服二日

清涼包子方 治眼赤熱生瘡退翳

黃連一分為末

一味用水一碗面東撲取倒流水些

小將黃連末勻摻在碗內用熟艾一塊如雞子大安
在古錢七文上四面更用青銅錢四十文足作四塊
塚子覆黃連碗在上點火燒艾候煙盡更掃下黃連

末用夾絹袋子盛了取孩兒乳汁浸時時點在眼中
覺口中苦透為度如暴赤眼用之立效

目膿漏

論曰目膿漏者緣血脈壅熱傳入於足太陽膀胱之經膀胱之脈起于目內眥則令人驗背腫痒久即成瘡膿汁時下綿綿不絕如器津漏故謂之膿漏不治則膿毒淹漬穿壞白睛黑點相連即難治療

防風湯方 治眼漏睛膿出

防風二兩

地骨皮

遠志

白茯苓

人參

黃耆各一

兩

大黃炒 知母各二兩

右八味搗篩每服一錢水

煎食後臨臥溫服

龍腦散點方 治睛漏瘡目大眦出膿汁有竅

龍腦研 馬牙硝各半錢 棗豆粉一錢

三味同研極細用燈心黏藥點之再點

目生珠管

論曰目生珠管者風熱痰飲漬于肝血氣蘊積津液結聚所由生也肝藏血故肝受血而能視氣調血和則精華見於目今邪乘於肝肝氣受病為風熱熏蒸痰飲漸漬使血

氣壅闕上衝於目津液結聚狀如珠管故以名焉

銅青丸方 治眼生膚翳垂珠管

銅青一兩 細墨半兩 二味合研為末醋和丸如白豆大

每用一丸以乳汁新汲水各少許浸化以銅筋點之

鉛丹膏方 治眼卒生珠管

鉛丹半兩 鯉魚膽汁量鉛丹多少用

二味合調如膏點目背中日三五次

治卒生珠管方

白蜜 一味以少許點目中仰臥令淚出半日許洗之

雀目

論曰晝而明視暮不覩物名曰雀目言其鳥鵲不能見於夜也夫衛氣晝行於陽夜行於陰陰血受邪肝氣不能上榮於目肝受血而能視今邪在於肝陰血澀滯至暮則甚故遇夜目睛昏不能覩物世謂之雀目

防風煮肝散方 治雀目

防風去 黃連去 穀精草 黃芩 甘草炙

天南星各 蛤粉半 右七味搗羅為細散每服一

錢用羊子肝一片鉗竹刀批開摻藥在內以麻繩纏

定研粟米飯一大盞銀石鍋內煮熟放溫臨臥嚼服切不得犯鐵器病甚者不過再服必效

鬱金散方 治雀目

鬱金三 新牛膽一 猪膽二 蛤粉三 大黃炙

黃連去 雄黃分 共七味將五味為細散并猪膽

拌和入牛膽中填滿陰乾為細散每服大人一錢小

兒半錢食後新汲水調下赤眼氣眼疳眼亦能治之

煮肝散方 治雀目咫尺不見物

紫芥菜子員香炒令黑色碾為細散用羊肝一具分作

八服每用散二錢捻在肝上以筍箨葉裹煮令熟放冷服以煮肝湯下不過一具肝永除根本臨臥時服還睛丸方 治雀目

人參 細辛 白茯苓 木香 知母 芎藭各一兩
石決明 芫蔚子各二兩 共八味搗羅為細末鍊蜜丸
如梧桐子大每服空心茶下二十九

目瞼垂緩

論曰眼瞼垂緩者以血氣不足膚腠開疎風邪客于瞼膚其皮垂緩下覆睛輪故俗呼為睢目又曰侵風久之則垂

覆愈下眼閉難開

芫蔚散方 治風毒攻眼瞼垂下

芫蔚子 防風 羌活 蔓荆實 玄參 細辛
甘菊花 黃芩 車前子 甘草各一兩 大黃炒半兩
右十一味搗羅為散每服四錢水煎溫服食後臨臥各一

竹葉湯方 治眼熱毒瞼垂腫遮睛

苦竹葉 黃連去鬚 黃蘗 梔子仁各一兩 蕤仁湯浸去皮
半兩 右五味細剉以水五大盞煎至二盞半去滓溫服

澄清洗眼日五七次

黃耆丸方 治氣血不足膚臉下覆睛輪垂緩難開又名

睢目

黃耆 蒺藜子炒去角 生乾地黄焙 茈胡 甘草炙

梔子仁 苦參 白木 白花蛇酒浸去皮骨各一兩 防風去

菊花 茯苓 山藥 秦艽各三分 天門冬 枳殼炒

白檳榔各一兩半 右十八味搗羅為末鍊蜜丸如梧桐子

大每服三十九空心温酒下

升麻散方 治風邪客於臉膚其皮垂下緩覆睛輪眼閉

難開

升麻 山茱萸各三分 甘菊花 細辛各半兩 蔓荆實

山藥 防風各一兩 右九味搗羅為散每服三錢温酒

調下

目臉腫鞭

論曰目臉腫鞭者內因肺肝積熱上衝于目外為風邪所搏風熱雷結在於臉背血氣不得宣通故令腫鞭久不差者多成風粟細瘡眵汁淹漬浸壞眼目先宜鎌洗出毒然後以藥攻治則病可差

黃耆湯方 治目瞼鞭赤腫痛

黃耆 芫蔚子 麥門冬 各一兩半 地骨皮 玄參

黃芩 知母 各一兩 右七味搗篩每服五錢水煎食後

臨臥溫服日三

大黃桔梗散方 治目瞼腫鞭刺痛

大黃 炒一兩半 桔梗 炒 黃芩 玄參 羚羊角

白茯苓 人參 各一兩 七味搗羅為散每服一錢至二

錢食後臨臥米飲調下日三

洗眼防風湯方 治風熱客搏目瞼腫鞭

防風 秦艽 甘菊花 各一兩 蕤仁 湯浸去皮 竹葉 握

梔子仁 萎蕤 各半兩 右七味細剉令勻每服一兩以

水三盞煎取一盞半綿濾去滓每煖洗之

倒睫拳攣

論曰臟腑久積風熱內熏肝經衝發于目始則腫亦隱痛
多淚日久津液澀少瞼背皮急致睫拳倒刺隱瞳人治法
當起去毛睫又刺太陽經令出血及鉞鎌除其惡血仍服
除風退熱之劑

防風湯方 治風熱衝肝目多倒睫

防風 甘菊花 旋復花 决明子炒 菱麩

麥門冬 梔子仁 黃連 甘草炙 升麻 秦皮各等

分 右十一味搗篩每服五錢水煎食後臨卧温服

車前子散方 治倒睫赤眼疼痛不開

車前子二兩 馬蹄决明微炒 麩仁各一兩半 地膚子

龍膽 甘草炙 菊花各半兩 青葙子 山梔子仁各一兩

前胡三兩 右十味搗羅為散每服二錢至三錢空心

粟米飲調下食後臨卧再服

洗眼湯方 治風熱攻目礫澁疼痛漸致倒睫

麩仁 秦皮 防風各一兩 山梔子仁 菊花

菱麩各半兩 竹葉

右七味細剉以水三升煎取一升半乘熱淋洗冷即再煖作三度使

聖濟總錄纂要

卷之十八

程必大未能

程朝宣輯侯

新安

程朝徵叔獻

較

程蓮賓華

眼目門

目生膚翳

目生花翳

目生膚翳

論曰目生膚翳者以腑臟氣血虛實不調加以風邪痰飲

鬱於膈上熏蒸既久衝發於目乃生膚翳其睛上及瞳人
有物如蠅翅狀是為膚翳也

决明子丸方 治久患膚翳遮覆瞳子

决明子炒 蕤仁去皮 地膚子 白茯苓 防風

麥門冬 澤瀉 茺蔚子 枸杞子 五味子

青箱子各一兩 細辛 車前子 兔絲子酒浸別搗末三分

生乾地黄二兩 桂心去粗皮半兩 黃芩 杏仁

右十八味搗羅為末鍊蜜丸如梧桐子大每服二十
丸食後以米飲下臨臥再服九月服此藥加兔肝一

兩至二月停甚妙

盧會丸方 治眼熱赤痛及生膚翳

盧會研半兩 鯉魚膽一枚取汁 牛膽乾者半兩濕者用汁一合

熊膽研一分 石决明剖削一兩 麝香半分 車前子一兩

右七味除膽外搗研為細末後入汁同和勻鍊蜜丸
如梧桐子大食後米飲下二十九加至三十九

貝齒散方 治目風熱赤生膚翳點眼

貝齒七枚燒為末 珍珠一分為末 龍腦研半錢 三味合研如

粉每點眼時用黍米大於翳膜上日三度

菊花散方 治眼目膚翳侵及瞳人如蠅翅狀

菊花 防風 木通 木賊 僊靈脾剉 荆芥去梗

甘草炙各一兩 右七味擣羅為散每服二錢食後茶半錢

同點溫服

目生花翳

論曰目生花翳者點點色白狀如棗花魚鱗之類是也此由肝肺實熱衝發眼目其始則目痛淚出變生白翳宜急治之不爾則致障翳也

桑白皮湯方 治目生花翳白點狀如棗花

桑根白皮 木通各一兩半 羚羊角 澤瀉 黃芩

旋復花 川大黃炒 玄參 茯神以上各一兩 甘草一分

甘菊花半兩 右十一味擣羅為細散每服二錢水煎溫服

羚羊角湯方 治眼生白翳如棗花

羚羊角 大黃炒 桑根白皮 黃連 決明子

黃芩去黑心 甘菊花各一兩 甘草炙各半兩

右八味擣篩每服三錢水煎煮食後溫服

退翳僊木散方 治眼生花翳

蒼朮二兩米泔浸一宿焙 木賊 甘草炙各一兩 穀精草

蟬蛻各一錢 蛇蛻湯洗焙 黃芩半兩

共七味為散每服一錢空心臨臥冷水調下

目青盲 將變內障眼

目青盲

論曰龍木論稱內障有變青盲者初患之時昏暗不痒不痛亦無翳膜至於失明與不患者相似是知青盲之狀外無異證瞳子分明而不見物由肝腎氣虛精血衰弱不能上榮故日盲而無所見者經曰肝氣通於目目和則知白黑養生方乃以塞故井水漬令人目盲豈其本哉

羊肝丸 治內外障青盲雀目眼生黑花白翳十年以上者可治

羯羊肝一具切片文武火炙 蕤仁一兩 錦文班鳩一隻去頭足腸胃取肉炙

為末 細辛 防風 黃連去鬚 瞿麥子 蒺藜子

桂 甘菊花 牡蠣燒為末各五兩 羌活三兩 白茯苓四兩

蔓菁子二升蒸五七遍 决明子炒二兩 右十五味搗羅十二

味為末入羊肝班鳩牡蠣末乳鉢內同研勻鍊蜜和

丸如梧桐子大每服二十九食後臨臥茶清下

澤瀉湯方 治肝臟熱衝目赤瞻視漠漠積年青盲不見

物

澤瀉 湯浸去皮尖研 杏仁 湯浸去皮尖研 决明子 炒 大黃 炒 黃芩

甘草 炙 枳實 炒 芍藥 各一兩 梔子仁 人參

赤茯苓 黃檗 細辛 白朮 各半兩 柴胡 四兩

青箱子 一兩 桑根白皮 炙三兩 升麻 一兩 右十八味搗

羅每服五錢水煎入生薑半分同煮再入芒硝半錢

放温食後臨臥服日再

真珠散方 治眼青盲

真珠末 三分 胡黃連 三分 石决明 三兩搗碎細研水飛 琥珀 三分

地膚子 一兩 天靈蓋 三分燒灰 母猪肝 半兩切炙乾

右七味搗羅爲散每服二錢食後温水調下臨臥再

服日三

治青盲烏雞丸方

右方用黃荆嫩頭春初取之九蒸九晒取半斤用烏雞一隻純黑者以米飼五日安淨版上飼以大麻子又二三日旋收糞暴乾取人淨瓷餅子內熬糞令香黃然後和荆頭搗成末鍊蜜和丸如梧桐子大每服十五丸陳米飲下加至二十九日二服

聖濟總錄卷之十八 將變內障眼

論曰眼疾始於浮淺久而弗圖變為內障者非一端也龍木論內障皆有其漸蓋從一眼先患後乃相牽其損是肝腎氣虛風邪熱毒上攻眼目氣血衰微久則為害但不痛不疼亦無眵淚目視如輕煙或如薄霧或見垂絲或見蠅翅或見飛蚊其初若無足慮至其成內障則慢慢不知矣今以將變內障者敘之蓋圖難於易之意也

瀉肝飲方 治雷頭風恐成內障先服瀉肝飲後服磁石丸

防風二兩 五味子炒 細辛 車前子 黃芩

菴藟子 桔梗炒 大黃炒 芒硝研各一兩 右九味搗

篩為粗末每次服三錢水煎去滓放溫食後臨臥服

磁石丸方

磁石二兩燒赤醋淬七遍 五味子炒 牡丹皮 附子去皮

玄參各一兩 右五味搗羅為細末鍊蜜丸如梧桐子大

每服三十丸空心鹽湯下

黃耆丸方 治肝虛勞兼膀胱久積虛冷目眩見花不明

漸成內障

黃耆 白茯苓 石斛去根各二兩 鹿茸去毛酥炙一兩半

五味子炒二兩 防風去 生乾地黃 覆盆子

酸棗仁 牡丹皮各三兩 右十味搗羅為末鍊蜜和丸

如梧桐子大每服二十九空心溫酒下加至三十九

蕤仁丸方 治內外障眼

生乾地黃焙一兩半 菊花焙一分 蕤仁三兩 黃連去鬚

車前子各二兩 人參 麥門冬各三兩 防風 黃芩

青箱子湯浸焙 秦艽 羚羊角各一兩半 甘草炙 丹參炒

决明子炒 天門冬 地膚子 升麻炒 苦參炒

地骨皮 羌活 玄參炒各一兩一分 右二十二味搗羅拌

勻鍊蜜和丸如梧桐子大食後煮百合湯下二十九加至三十九但有瞳人不拘內外障翳並治

目眇 眇 目 鍼目

目眇 廣音眇目汁凝目傷 眇音管 眇音滅 眇音赤也眇也

論曰目者五臟之精華肝之外候津液之道也若腑臟挾熱內熏於肝衝發於目使液道熱澁結滯於眇驗則成眇

眇 羚羊角散方 治風熱衝肝上熏於目結成眇

羚羊角二兩 犀角一兩 桑根白皮 生乾地黄焙

防風 五味子 白蒺藜炒 牛膝 羌活 芍藥各三

分 為散每服二錢水煎溫服

淋洗秦皮湯方 治目生翳膜

秦皮 芫胡 黃連去鬚 黃檗 蛇銜各二兩 苦竹葉

二 細辛一兩 每一服用葉二兩河水細細煎濃去滓

須熱淋洗眼冷即再煖洗

黃檗膏點方 治風熱衝目多生翳膜

黃檗去粗皮 麩仁半兩 大棗青州者 三味以水三

升同內瓷器中慢火煮至一升去滓取清再以淨瓷
瓶子收每用銅筋點眼日五度

眯目

論曰眯目者簸糠飛塵等物入於目中也治宜亟出之久
不出着於臉背因而傷動則為澁痛淚出古方初眯時令
綿裹筋撩去之或以墨汁或以雞血浮出者皆良
治雜物眯米不出方

桑根白皮 一味取新者一片如筋大削一頭薄椎令
軟滑漸漸入目中撥之須臾自出

又方

猪脂分一 一味取塞鼻隨左右用之

又方

生粟米七顆 一味爛嚼并唾洗之即出

治雲母等入眼方

好墨 研為細末用新筆蘸點眼大小背頭即時隨墨出

又方

鷄肝中血少許 取滴目中即出

又方

衣中白魚 暴乾研為末點背頭即出

又方

酥 以少許內鼻中隨眯目左右垂頭臥少時令流入目中淚與眯物同出

鍼眼

即偷鍼

論曰鍼眼者以邪熱搏於血脉上攻眼目發驗皆結焮腫痛赤根白頭包裹膿汁痛如鍼刺治法當詳其外證隨宜砭刺決泄邪毒後以消毒敗熱之劑斷其根本

半夏湯方 治目熱客目背結成腫泡俗呼偷鍼者

半夏湯浸七
編去滑 細辛各一
兩 前胡 枳殼麩炒各
二兩

烏梅肉半兩 每服五錢水煎入生薑三片同煎食後臨

臥溫服

芍藥湯方 治熱毒攻目背目腫起有膿汁者

赤芍藥一兩
半 羚羊角 玄參 防風 黃芩各一
兩

蔓荆實 甘菊花各三
錢 每一次服五錢用白水煎濃

入馬牙硝一錢俟食後臨臥時溫服

點眼麩仁煮方 治熱毒攻注目背腫結赤痛

麩仁研去
皮 黃蘗去
皮 青竹茹洗
切 秦皮各一
兩

梔子仁半兩 剉碎拌勻以水三升入銅器中煮取一升

以綿濾取清汁點眼日三五度

耳病門

耳聾 風聾 勞聾 五聾 耳聾有膿

耳虛鳴

耳統論

論曰腎氣通於耳心寄竅於耳氣竅相通若聰曠然音聲之求雖遠必聞若心腎氣虛精神失守氣不相宣內外窒

聖濟總錄卷之十八
塞斯有聾聵之疾經所謂五臟不和則九竅不通是也
耳聾

論曰耳聾之證有二有腎虛精脫而聾者腎氣通於耳也
有經脈氣厥而聾者經脈終於耳也腎虛而聾者其候面
色黑氣厥搏於耳而聾者其候耳中輝輝焮焮或耳中氣
滿是也輝輝焮焮過在手少陽耳中氣過在手太陽以至
五絡皆會於耳中各有證候審而治之

肉菴蓉丸方 治腎虛耳聾

肉菴蓉 酒浸切焙 兔絲子 酒浸搗研 白茯苓 去黑皮 山藥

人參 熟乾地黄 桂 去麤皮 防風 去義 芍藥

黃耆 半兩 附子 去皮臍 羌活 去蘆頭 澤瀉 剉各一分 羊腎

一對此去筋膜炙乾 共為末鍊蜜和丸如梧桐子大每服三十

丸空心温酒下

山藥丸方 治耳聾

山藥 熟乾地黄 礞石 煅醋淬七徧 菊花 炒 黃耆

茯神 去木 木通 各一兩 升麻 獨活 各三分 共為末鍊

蜜和丸如梧桐子大每服二十九米飲下加至三十

礞石酒方 治耳聾及耳鳴常如風水聲

礞石

礞研碎綿裹半兩

木通

菖蒲

米泔浸一二日切焙各半斤

共咬咀以絹囊盛以好酒一斗浸寒七日暑三日每飲三合日再

鐵酒方 治耳聾

鐵

五兩

酒

一升

燒鐵令赤投酒中去鐵飲之仍以礞石

塞耳中

菖蒲丸方 治耳聾塞耳

菖蒲

木通

礞石

煨醋淬研

乳香

杏仁

炒去皮尖

松脂

蠟

各一分

共研極細入鵝膏同搗一二百杵撚如棗核

大以鐵穿中心作一孔子先挑耳令淨然後內藥耳中入再初著時痒及作聲勿怪

治久耳聾方

烏驢乳

合

皂莢

半兩為末

蟻

一兩

相和於銚子內鎔成

膏 即丸如棗九核大用針穿透安耳中一宿至來日看之有物下來在耳門中即便取却再用一兩度即差

又方 治耳聾塞耳

雄黃

一分

硫黃

一分

共研為末綿包裹一字於耳中

即差

治耳聾灌耳方

鵝毛翎根筒

七莖

燈心

七莖

木通

一兩

地龍

三條

共相和燒灰研每用半錢以生油調傾入耳中使用
綿紙塞耳且側卧良久如此三度

鯽魚膽膏方

治耳聾滴耳

鯽魚膽

一枚

烏驢脂

少許

生油

兩半

和勻內樓葱管中七日滴放耳內

鵝膏方

治耳聾滴耳

鵝膏

一枚

以少許滴耳中

蟹汁方

治耳聾滴耳

生蟹

二枚

搗絞取汁以少許滴入耳中

龜尿方

治耳聾滴耳

龜

一味物合於中荷葉上養之專看葉上有尿收取

滴耳中

鼠膽方

治耳聾灌耳

鼠膽

雄者

取汁滴入耳內令透初益聾半日後便能聽

雖久亦差

蠟紙角方

治耳聾

蠟紙張一 一物裁為四片每一片於筋上緊捲抽却筋以蠟紙捲子安耳中燃之待火欲至耳急除去當有惡物出在殘紙上日一角之角了以蠟塞定

又方 治耳聾

以綿裹鐵內耳中隨耳左右口含磁石一塊即通

風聾

論曰風聾者本於足少陰經虛風乘之令氣脉不通風邪內鼓則耳中引痛牽及頭腦甚者聾閉不通故謂之風聾黃耆湯方 治風聾聽聽如風雨鐘磬聲或時出清水或

有膿汁

黃耆一兩半

附子去皮臍

菖蒲米泔浸一宿各一兩

木通二兩

五味子

防風各一兩半

磁石醋淬七次三兩

杜仲炒去粗皮

玄參

白茯苓

熟乾地黄

人參各一兩半

每服三錢

生薑三片大棗一枚同煎空心溫服日二

魚腦膏方 治風聾年久

生鯉魚腦二兩

當歸切焙

細辛

白芷

附子去皮臍

菖蒲各半兩

共為末以魚腦置銀器中入藥在內微火

煮候香去滓入瓷盒中候凝如棗核大綿裹塞耳中

勞聾

論曰勞聾者腎氣虛勞所致也足少陰腎經宗脉所聚其氣通於耳腎氣虛弱宗脉耗損則氣安得聰徹而不聾舊說謂因勞則甚要當節嗜欲慎起居無損腎藏為要
內補丸 治腎虛勞聾

熟乾地黄

附子去皮

桂心去粗皮

肉蓯蓉酒浸一宿

鹿茸去毛酒浸酥炙

人參各一兩

山藥一兩半

苈胡三分

遠志半兩

胡黃連一分

白茯苓一分

細辛

鍾乳鴨管者二兩以甘草水

煮三日研

共為末再研勻鍊蜜丸如梧桐子大每

服空心温酒下二十九

肉蓯蓉丸方

治勞聾積久耳鳴

肉蓯蓉

酒浸一宿切焙

附子去皮

山茱萸炒

乾薑

桂心去粗皮

巴戟天去心

熟乾地黄焙

石斛去根

澤瀉

兔絲子酒浸一宿別研

人參

白茯苓

蛇牀去粗皮

牡丹皮

當歸酒浸令潤

細辛

甘草炙

菖蒲米泔浸一宿

黃耆

遠志

芍藥各一兩

羊腎一對批去筋膜炙

防風三兩

除兔絲子外為末入兔絲子重羅鍊蜜丸如梧桐子大每服二十九食後温酒下漸加至三十九日三

五聾

論曰五聾不同曰風聾曰乾聾曰勞聾曰虛聾曰聾聾是也腎通氣於耳足少陰其經也經虛受風邪及勞傷血氣停滯津液皆能致聾惟所受不同故其證各異葛氏所謂風聾者痛掣乾聾者生眵聾者出黃汁虛聾者肅肅作聲聾者膿汁出可不辨哉

黃耆湯 治五聾

黃耆 一兩 附子 一兩去皮臍 菖蒲 米泔浸一宿一兩 木通 一分
磁石 醋淬七分 白茯苓 五味子 防風

熟乾地黄

玄參

人參

各一分

杜仲

一兩去皮

每服五錢生薑半分大棗二枚同煮溫服續喫羊腎粥助之日四五服

耳聾有膿

論曰耳聾有膿者蓋腎藏虛勞傷血氣與津液相搏熱氣乘之則結聚於耳中腐化膿汁氣不開竅則致耳聾

禹餘糧散方 治耳聾有膿

禹餘糧 煨醋淬一分 烏賊魚骨 去甲 伏龍肝 龍骨 各半兩
附子 去皮臍一兩 共為散每以一錢綿裹塞耳中日一易

取差為度如有蟲加麝香一黑豆大 一方

加鐳墨半兩

治耳聾有膿水不絕是穢方

肉蓯蓉

兩一

龍膽

兩一

白茅根

兩一

共燒為灰以少蜜

和令勻後入鯉魚膽汁三枚攪令稀即以絹挾取汁

瀝入耳中其換乾滓捻作挺子以薄綿墨塞耳不過

三日上愈

治腎熱耳聾有膿血溜日夜不止方

鯉魚腦

枚一

鯉魚腸

具一

烏麻子

升一

先搗烏麻令碎

入二味相和微火熬以煖布裹薄耳兩食頃開之當

有白蟲出復更作藥若兩耳並膿分藥於兩耳中用

若只一耳即於一面薄之不過三度差

二聖散方 治耳內出膿水

白附子

羌活

各一兩

為散用豬羊腎各一隻切開每

隻入藥末半錢不得着鹽溼裹煨熟五更初溫酒嚼

下續喫粥壓

速效散方 治耳聾膿出久不差

地龍

一條入白葱管當門挂陰乾

入麝香少許研為細散

入耳內

魚醋膏方 治耳聾出膿或有蟲

鯉魚腸具一 醋三合 搗如膏取少許綿裹塞耳中二食

頃當痛或白蟲出即易之蟲盡乃止

耳虛鳴

論曰耳者心之竅腎氣所通也腑臟和平則其竅通而無礙腎氣既虛風邪干之復以思慮勞心氣脉內結不得疏通則耳內燂焯與氣相擊而鳴或為鐘磬雷鼓或如蟬噪皆腎虛所致也

磁石散方 治腎氣虛弱氣奔兩耳作聲甚則成聾

磁石煨醋滓七次 熟乾地黄 菖蒲米泔浸一宿 牡丹皮一

白朮各一兩 白茯苓 人參 芫蒬 附子 牡荊子

炒 桂心去麤皮 大黃炒 桑螵蛸切破炙 當歸各半兩

羊腎一對切去筋膜炙乾 共為散每服一錢溫酒調下日三加

至二錢不拘時

桑螵蛸散方 治腎氣虛弱氣奔兩耳鳴甚則成聾

桑螵蛸炙 附子 人參 白茯苓 當歸 桂心各半兩

兩 牡丹皮 白朮炒 熟乾地黄各一兩 羊腎切去筋膜

乾炙 每服一錢空心食前溫酒調下日三加至二錢

鹿茸九方 治腎勞虛後耳常聞鐘磬風雨之聲補腎

鹿茸去毛酒浸一宿酥炙 磁石煨醋滓 枳實麩炒各二兩 附子去皮

山藥 肉蓯蓉酒浸切焙 牡蠣煨各一兩半 五味子

巴戟天各一兩 楮實炒別搗末三兩 共為末入楮實末同羅

鍊蜜和丸如梧桐子大每服二十九至三十九空心

牛膝酒下

塞耳方 治耳內晝夜虛鳴

菖蒲 烏頭去皮臍生用一兩 為末綿裹半錢塞耳中再易

牛膝煮丸方 治腎虛弱風邪干之上攻於耳常作蟬鳴

以至重聽

牛膝 海桐皮一味各半斤搗末用好酒五斤于銀石器內熬成膏 藿香子炒

當歸 五加皮 赤箭 赤芍藥 桂心去粗皮 麻黃

去根節 地龍炒 木香 獨活 乳香研 防風

骨碎補 麒麟竭 乾蠍炒去土 沉香 天南星生用各一

兩 附子去皮臍 烏頭去皮臍 棟實 川芎各二兩

虎腦骨四兩酥炙 沒藥一兩 麝香研半兩 共研再入前膏

內和搗三千杵丸如桐子大每服十九至十五丸空

心溫酒或鹽湯下

耳聾 聾耳 百蟲入耳 耳聾

論曰耳者腎之候心之寄竅風熱搏於經絡則耳中津液結聚如麩片之狀久則丸結不削或似蠶蛹致氣竅不通聾聵為聾

豬脂膏方 治聾聵塞耳聾強堅不可挑塞耳

生豬脂合 釜下墨半兩 調和成膏捏如棗核大綿

裹塞耳中

地龍汁方 治聾聵塞耳聾強堅不可挑灌耳

地龍溼者五七條 取汁數滴入耳中挑即自出

聾耳

論曰腎氣通耳耳者腎之候若其經為風邪所乘毒氣蘊結於耳中以至膿汁俱出妨悶疼痛謂之聾耳

白斂散方 治聾耳出膿血塞耳

白斂 黃連 龍骨 赤石脂 烏賊魚骨去甲各一兩

為散先以綿拭乾用藥一錢綿裹塞耳中

鯉魚腸方 治聾耳出膿久不差者

鯉魚腸一具細切 醋三合 合搗布裹棗核大塞耳半食頃

聖濟總錄卷之十八
痛卽有蟲出著布卽拔之更易新者蟲盡爲度

附子散方 治聾耳耳中痛

附子去皮臍一分 黃連半兩 爲散以少許摻耳中

又方 治聾耳塞耳

母鼠肝具一 旋取活鼠乘肝熱時以棗核大塞耳中

治聾耳方

石首魚腦中枕子 爲末摻耳中卽差

百蟲入耳

論曰百蟲入耳其類不一古方或灌以藥或導以物皆以

意出之也獨驢乳牛酪二物最爲良法諸蟲之入耳灌之

卽化爲水其入腹者則連服數劑取差

灌耳牛乳方 治蚰蜒入耳

牛乳一盞 少少灌入耳內卽差若入腹者飲一二升當

化爲黃水出未出再服

塗耳百部方 治蚰蜒入耳

百部切焙 爲末以一字生油調塗於耳門上其蟲自出

胡麻枕耳令出方 治蚰蜒入耳

胡麻半升炒令香 碎研以葛袋盛側卧枕耳

豬肉掩耳方 治蜈蚣入耳

豬肉片一兩 灸令香掩耳上立出

鯪鯉甲方 治蟻入耳

鯪鯉甲半兩燒為灰 以水調濾過滴入耳中即出

豬脂枕耳方 治蟻入耳

豬脂片一 豬肉片一 將豬脂煮炙豬肉令香安耳孔邊

枕睡即出

蜀椒醋灌耳方 治百蟲入耳

蜀椒半兩為末 醋半盞 以椒末入醋中少灌入耳內行一

廿步即出

葱油枕睡方 治百蟲入耳

油麻一升炒研令烟出 葱白一莖切炒令香 將葱與油麻拌勻以

餅子盛當耳門安側睡令餅口向耳無令傾蟲從耳

中出至餅子內即去之

又方

以火照之即向明出

擊刀法 治百蟲入耳

以刀口於耳上相擊作聲蟲即出也

治百蟲入耳方

雄雞冠血

不拘多少

滴耳內立出

治蜈蚣入耳閉氣令出方

閉氣氣滿卽吐復閉取令出或死耳中徐徐以物鉤出之若積久不出者取新熟猪肉安耳竅上卽出

治飛蛾入耳法

先大咬氣仍閉口掩鼻呼出氣蟲卽隨氣出

又方

以雞肉塞耳中立出

鼻病門

鼻塞氣息不通

鼻塞不聞香臭

鼷鼻

鼻中生息肉

鼻淵

鼻流清涕

鼻中生

瘡 疳蟲食鼻生瘡

鼻病統論

論曰肺爲五臟華蓋開竅於鼻肺氣和則鼻亦和肺氣感風冷則爲清涕爲鼷爲息肉爲不聞香臭肺實熱則爲瘡爲痛膽移熱於腦則濁涕不已謂之鼻淵惟證候不同故治藥亦異

鼻塞氣息不通

論曰鼻塞氣息不通者以肺感風寒其氣搏結不得宣快
窒塞既甚而息不能出入也巢氏謂息肉生長致氣塞不
通蓋有未嘗生息肉而氣息不通者宜析而治之

人參湯方 治肺風上攻鼻塞不通

人參 白茯苓

陳橘皮

蜀椒

去目并合
口者妙

麻黃

去根

黃芩

羌活

各半

每服三錢水煎食後溫服

杏仁煎方

治肺傷寒氣欬嗽唾痰聲重鼻塞補肺

杏仁

去皮尖雙
仁二兩研

棗肉

煮去皮
核一升

白蜜

生薑汁

酥 各半

餵 一

同合和於銀器中微火煎候熟服一

匙頭溫酒調下食後

人參丸方

治肺風上攻鼻塞不通

人參

防風

細辛

黃耆

沙參

甘菊花

炒

木通

各半

共為末鍊蜜丸如梧桐子大每服十九溫水下

日再

木通膏方

治鼻塞塞不通利

木香

細辛

當歸

川芎

木通

麩仁

研

白芷

各半

共細剉內銀石器中入羊髓微火煎候白芷色

黃膏成去滓澄清凝每用小豆大內鼻中口再以差為度

鼻塞不聞香臭

論曰鼻有息肉不知香臭者亦有無息肉而不知香臭生息肉不知香臭已例方濟此姑論鼻塞不聞香臭蓋鼻之窒塞或冷風乘或肺壅熱冷熱故異其塞則一皆肺臟不和氣不宣通也治塞者當審其冷熱

天門冬丸方 治鼻塞不聞香臭

天門冬

白茯苓

各五兩

人參

枳實

炒

甘草

炙各三兩

欖榔

二兩

共為末鍊蜜和丸如梧桐子大每服二十九食後漿水下日再暑月以牛乳下

通氣膏方

治鼻中不利窒塞不通不聞香臭

木通

當歸

川芎

麩仁

桂心

各半兩

細辛

白芷

共細剉與羊髓三兩同於銀石器中微火煎至白芷黃色去滓澄凝每取小豆大塞鼻中日再

芩藟散方

治鼻塞不聞香臭

芩藟

辛夷

各一兩

細辛

三分

木通

半兩

每用少許綿

裹塞鼻中溼即易

瓜蒂散方 治鼻塞不聞香臭

瓜蒂

藜蘆

各一分

每用一錢綿裹塞鼻中日三易

鼈鼻

論曰鼻和則知香臭夫鼻為肺之竅非能自和也必肺氣流通然後鼻為用而香臭可知若心經移熱于肺致肺臟不和則其竅亦無以宣達故為鼈鼻此乃內經所謂心肺有病則鼻為之不利也

黃耆散方

治鼈鼻順肺氣四時服食

黃耆

人參

防風

防己

生乾地黄

桔梗

炒

芍藥

黃芩

澤瀉

石南葉

白朮

米泔浸一宿炒

桂心

去粗皮

甘草

牛膝

酒浸一宿

赤茯苓

紫苑

各三兩

共為散每服一錢溫酒調下如要丸鍊蜜丸如梧桐子大每服三十九溫酒下

雄黃丸方

治鼈鼻

雄黃

錢一

甘草

附子

去皮臍

細辛

各一分

為末用羊膽汁和丸如棗核大以綿裹內鼻中移時出惡物即差

細辛散方

治鼈鼻不聞香臭宜塞鼻

細辛 甘草炙 附子去皮 木通各一分
為散以羊膽汁和如棗核大塞鼻中

治鼾鼻法

伏面臨牀以新汲水淋玉枕上即差

治鼾鼻吹鼻

皂莢一挺炙去皮子 為散以一字吹入鼻中即差
鼻中生息肉

論曰鼻者肺之竅鼻和而知香臭風寒客於肺經則鼻氣不利使津液壅遏血氣搏結附著鼻間生若贅疣有害於

息故名息肉

羊肺散方 治鼻中息肉

羊肺一具切去筋膜炙乾 木通半兩 白朮米泔浸一宿炒黃四兩

乾薑半兩 肉蓯蓉酒浸一宿半兩 川芎半兩

為散每服一錢食後米飲調下日二

礬石丸 治鼻生息肉

礬石熬令汁枯四兩 木通 細辛各半兩 丹砂研一分

共為末麩糊和丸如小豆大每用一九綿裹內鼻中一日一易取下息肉止

胡粉膏方 治鼻中息肉不通傳鼻

胡粉炒 白礬燒令汁盡

為末用青羊脂和成膏以少許塗傳息肉上

鼻淵

論曰內經謂膽移熱於腦則辛頰鼻淵鼻淵者濁涕下不止也夫腦為髓海皆藏至陰故藏而不瀉今膽移邪熱上入於腦則陰氣不固而藏者瀉矣故腦液下至滲於鼻其證濁涕出不已若水之有淵源也治或失時傳衄鱗膜日之患

防風散方 治腦熱鼻淵下濁涕不止

防風一兩 黃芩 人參 甘草炙 川芎 天門冬各一兩

為散每服二錢食後沸湯調下日三

雞蘇丸方 治腦熱肺壅鼻淵多涕

雞蘇葉乾者 麥門冬 桑根白皮 川芎 黃耆炙

甘草炙各一兩 生乾地黄二兩 為末鍊蜜和丸如桐子大

每服二十九食後臨臥人參湯下

辛夷膏方 治肺熱鼻塞多涕

辛夷一分 白芷三錢 藁本 甘草 當歸 細剉以清

酒二盞羊髓十兩銀器內微火煎五七沸傾入盒中
澄凝每取一豆許內鼻中日夜各一服
鼻流清涕

論曰五臟化液遇熱則乾燥遇寒則流行鼻流清涕至於
不止以肺藏感寒寒氣上達故其液不能收制如此且涕
泗洩皆鼻液也以繼泣則曰涕以生於肺則曰泗涕甚曰
洩此獨言涕與宣明論五藏化液肺為涕同意

細辛丸內鼻方 治腦冷鼻塞時出清涕

細辛 桂心 甘遂炒 芎藭 附子各一分 辛夷半兩

木通二兩 為末鍊蜜丸如棗大以綿裹內鼻中勿令氣

泄覺小痛搗生薑汁和撚即愈 一方用狗膽和丸

芎藭膏方 治鼻塞多清涕

芎藭 吳茱萸炒湯浸 蜀椒去目炒 細辛 乾薑

皂莢去皮子各三分 細剉以醋浸一宿內豬脂於銀器石器

中煎五七沸去滓傾入盒中澄凝以綿裹少許內鼻中

黃連汁方 治鼻塞多年清水出不止灌鼻

黃連去鬚二兩 蒺藜苗二握 細剉水二升煎至一升取一

合灌鼻中不過再灌大嚏即差

蒺藜汁方 治鼻塞清水不止灌鼻

蒺藜苗握一 細剉以水三盞煮至一盞去滓仰面先滿

口含飯取汁一合灌鼻中不過再灌嚏出息肉差

鼻中生瘡

論曰心肺有病鼻為之不利蓋心肺在膈上肺開竅於鼻
心肺壅熱氣熏於鼻間蘊積不散其證乾燥而痛甚則成
瘡也惟能平調心火以利肺經則瘡可已

升麻湯方 治鼻乾痒生瘡乾嘔不下飲食

升麻 桔梗 黃芩 犀角 貝母去心 龍膽各半兩

甘草炙一分 每服三錢水煎食後溫服不拘時

硫黃膏 治面瘡鼻頭赤爛

硫黃研細一錢 以葱白三寸入童便二合浸一宿研絞取

涎和末如膏塗上不見風日二

梔子煎方 治肺氣風熱鼻內生瘡

山梔子去殼 苦參 木通各三兩 細剉以四兩酥同

煎令香去滓傾入盒中每以少許滴入鼻中

礬石煎方 治鼻中熱氣生瘡有膿瘻兼有蟲

礬石一兩 苦參 生地黃洗令淨絞取汁三合 二味為末以

地黃汁并水二盞煎至三合綿裹去滓少吹滴鼻中
三五度差

黃檗飲方 治鼻中熱氣生瘡有膿殞兼有蟲

黃檗二兩 以冷水浸二宿絞取汁一盞服之

疥蟲蝕鼻生瘡

論曰五臟皆有蟲蟲得風則化肺開竅於鼻肺經既虛風
熱乘之鼻氣壅塞不得宣通則疳蟲因得侵蝕瘡生鼻間
治鼻中疳瘡方

牛鼻津 取塗瘡上

椿根湯方 治疳蟲蝕人鼻

椿根 切一升 去皮

鹽 半合

葱白 切半升

豉 半升

椒 一合 去目

合和以醋及清泔各三升同煎數十沸去滓約及一
升分作三服有惡物出小兒量加減

如聖散方 治疳蟲蝕鼻生瘡及鼻下赤爛

胡粉 半兩

麝香 研一字

甜瓜蒂 七枚為末

粉 內同研

合研勻用

蟾酥少許水浸一宿次日取蟾水先和粉次同和丸
如葶豆大每用二丸水化傳瘡上鼻下赤爛者亦塗

之小兒每用一丸

青金散方

治疔蟲蝕鼻生瘡及鼻涕淹潰

銅青

白礬

生研各等分

同為散每用少許傅瘡上小兒亦可用

聖濟總錄纂要卷十八終

聖濟總錄纂要

卷之十九

方一焜公耀

程增維高

新安

程滙左蠡

較

程均又庠

口齒門

口瘡

口糜

口吻瘡

口齒統論

論曰足太陰脾之經其氣通於口足陽明胃之經手陽明

大腸之經其脉並夾於口故其腑臟風邪溼熱發於經則於是有口吻之疾牙齒者骨之所終髓之所養也又手陽明之支脉入於齒故骨髓之氣不足與夫陽明之脉虛不能有所滋養於是有牙齒之疾牙齒之疾其候甚多治療之法固不得畧也養生方云鷄鳴時叩齒三十六下食畢令啄齒皆宜長行之令齒不蠹去蟲又早朝未起漱口口中玉泉令滿口嚙之啄齒二七遍去蟲牢齒千金又曰每日以鹽一捻內口中以煖水指漱及叩齒百遍為之不絕不過五日即牢密若此之類皆簡易可行行之有效不可忽也

也

口瘡

論曰口瘡者由心脾有熱氣衝上焦熏發口舌故作瘡也又有胃氣弱穀氣少虛陽上發而為口瘡者不可執一而論當求所受之本也

當歸膏方 治口爛生瘡水漿不下

當歸

兩

射干

升麻

附子

各半兩

白蜜

四合

猪脂

五兩

除蜜外并剉先煎脂化去滓入諸藥慢火煎候附子色黃又去滓入蜜更煎如膏以瓷器盛每服如杏

核大含之日三五度嚙津不妨

黃連膏方 治口瘡并咽喉塞

黃連三兩 猪脂一斤 白蜜四兩 羊髓研二兩

以慢火煎猪脂取油去渣入黃連又煎令黑色下羊髓髓化以綿濾去滓入蜜更煎成膏瓷盒盛每含一棗大日三五度嚙津不妨

燒肝散方 治口瘡久不差

茵陳蒿 犀角屑 石斛 白朮 苈胡各半兩 芍藥

吳茱萸湯浸三遍 紫參 桔梗 防風 桂心 人參

白蕪荑各一分

每服五錢以白羊肝五兩切去筋膜入葱白一莖細擘相和濕紙三五重裹慢火煨熟空腹頓服米湯下

巴戟散方 治元藏虛冷上攻口瘡

巴戟天一斤 白芷半斤 高良薑為末一錢

為細散用猪腰子二隻去筋膜每一隻入藥散一錢用紙溼裹煨熟乘熱去紙以口吸熱氣有涎即吐候冷細嚼服之

生薑煎方 治口瘡疼痛

生薑 取汁一盞 白沙蜜 三兩 用煎十沸用瓷器盛時時以

熱水調一匙含嚥之

柳花散方 治口瘡

黃藥 一兩 澱花 半兩 為散臨臥乾摻誤嚥亦不妨

升麻含汁方 治口瘡

升麻 不拘多少 一味含一里嚥津

升麻飲方 治口內生瘡齒斷肉爛

升麻 黃連 羚羊角 玄參 麥門冬 黃芩

葛根 甘菊花 防風 羌活 大黃 各半兩 人參 三分

甘草 炙 知母 各一分 每服三錢水煎食後溫服

玄參湯方 治心肺壅熱口內生瘡胸膈痰逆

玄參 茅根 羌活 竹茹 木通 羚羊角 升麻

各半兩 黃連 苦竹葉 人參 浸去滑各三分 甘草

炙一分 每服三錢入生薑三片同煎溫服食後再服

玄參丸方 治口瘡

玄參 天門冬 麥門冬 各一兩

為末鍊蜜和丸如彈子大每用一錢丸綿裹含化 嚥津

口糜

口瘡

論曰膀胱移熱於小腸隔腸不便上為口糜夫小腸之脉絡心循咽下膈抵胃陰陽和平水穀入胃小腸受之通調水道下輸膀胱今熱氣厥逆膀胱移熱於小腸胃之水穀不得傳輸於下則令腸隔塞而不便上則令口生瘡而糜爛也大抵心胃壅熱則必熏蒸於上不可槩以傳藥當求其本以治之

大青丸方

治口糜生瘡久不差及心脾中熱乍發乍退

大青

去根

甘草

炙

枳殼

麩炒

苦參

各三分

生乾地黃

焙

升麻

各一兩

黃連

兩

共為末鍊蜜丸如梧桐子

大每服二十九食後熟水下日二服

升麻丸方

治口糜生瘡

升麻

黃連

黃蘗

炙

杏仁

各一兩去皮尖

將上三味為末次研杏仁如膏鍊蜜三兩以藥末并杏仁和為丸如彈子大每服一丸含化嚥津

口吻瘡

論曰口吻瘡者其瘡發于唇吻之間疼痛微腫溼爛有汁世名燕口又名肥瘡此由脾胃有熱隨氣熏發上攻於口唇與津液相搏所致

芎藭丸方 治口吻瘡

芎藭^{二兩} 白芷 陳橘皮^{去白} 黃連^{各半兩}

為末鍊蜜和丸如梧桐子大每服二十九甘草湯下不拘時候

麝香散方 治口吻生瘡久不差

人中白^研 麝香^{研各一錢} 再研勻塗瘡上

葵根散方 治口吻瘡

取秋葵根一握燒作灰研為散傳之

口舌生瘡 口嗅 唇瘡 唇生核

口舌生瘡

論曰口舌生瘡者心脾經蘊熱所致也蓋口屬脾舌屬心
心者火脾者土心火積熱傳之脾土二臟俱蓄熱毒不得
發散攻衝上焦故令口舌之間生瘡腫痛

烏犀湯方 治口舌生瘡

犀角屑^{三分} 羚羊角屑^{三分} 丹砂^{三分} 黃芪^{半兩} 大黃

^{一分} 升麻^{半兩} 生乾地黃^{一兩} 射干^{一分} 天門冬^{生者去心}

^{一兩} 玄參^{三分} 甘草^{炙一兩} 每服三錢水煎食後溫服

防風散方 治口舌生瘡

防風兩一 龍膽兩一 生地黄兩二 沉香兩半 升麻兩半

每用二錢入鹽少許沸湯調勻揩齒含嚙便睡

扶神丸方 治積年口舌瘡諸方不瘥

扶神兩一 白朮兩一 旋復花兩半 縮沙蜜三分 大黃

煨半 芍藥兩半 桂心三分 郁李仁兩一 大麻仁別研

人參兩半 枳殼炒三分 訶梨勒兩一 厚朴薑汁炙

白檳榔三分 白鮮皮兩半 陳橘皮去白 地骨白皮兩半

為末鍊蜜和丸如梧桐子大每服二十九空心粥飲

下加至二十九

口瘳

論曰口瘳者脾之候心脾或熱蘊積於胃變為腐臊之氣停聚不散隨氣上出熏發于口故令瘳也

升麻散方 治口瘳生肌長斷

升麻兩二 防風兩一 當歸 白芷各半 川芎 藁本

各三分 麝香一分 甘草炙半 木香 細辛各一分

每用一錢傳齒根下甚者綿裹含化嚙津

七香丸方 治口及身瘳

白豆蔻仁 丁香 藿香 零陵香 青木香 白芷

桂心各一兩 香附子二兩 甘松香 當歸各半兩 檳榔

二枚 沉香一兩 為末鍊蜜和丸常含一丸大豆大咽汁

日三夜一亦可常含咽汁五日口香十日體香二七

日夜被香三七日下風人聞香四七日洗手水落地

香五七日把他人手亦香慎五辛下氣去臭

芎藭散方 治心虛寒口臭蟲蝕齒痛

芎藭 白芷各一兩 甘草炙三分 桂心去麁皮 杜蘅各半

雨 當歸切三分

為散食前煖酒調下一錢日二服三十日體皆香印差

草豆蔻丸方 治心脾蘊熱隨氣上熏發為癩

草豆蔻仁 丁香各一兩 麝香一分 藿香葉 零陵香

桂心 莎草根去毛 木香 白芷 當歸 檳榔各半兩

為末鍊蜜和丸如鷄頭大每含化一丸嚙津液日三九

唇瘡

論曰唇瘡者以脾胃有熱熱氣循經而外發於唇故生瘡也蓋足陽明之脉下循鼻外入上齒縫中還出挾口環脈內經謂脾之合肉也其榮唇也是故脾胃之經與唇相應熱氣乘經而衝發所以唇為之生瘡

硫黃膏方 治唇瘡及緊瘡久不差

硫黃研 白礬研 丹砂研 水銀 麝香研 黃檗

各一分 為末 同研候水銀星盡用臘月豬脂和如泥先拭

令淨後以膏塗之日三五上即差

五倍子散方 治口唇生瘡

五倍子去心中重 槐花擇

等分為細散每用蜜傅唇上如瘡口乾以葱汁調上

治潘唇瘡方

鯉魚血 一味取血磨墨相和塗之差

唇生核

論曰唇生核之候大槩與唇瘡緊唇相類然其腫至於生核者蓋足陽明與太陰為表裏臟腑俱有風熱風熱之氣衝發二經與血氣相搏而為唇腫外復為風冷所乘血氣凝結聚而不散故生核也

防風湯方 治脾胃蘊積熱氣復為風冷所搏唇邊生核

結輒疼痛

防風去叉半兩 菊花一兩 升麻半兩 獨活半兩 黃芩半兩
知母半兩 玄參半兩 生乾地黄半兩 藁木半兩 大黃半兩炒

兩 梔子兩半 前胡兩半 桔梗炒 甘草炙 麥門冬

各半 每服用三錢水煎食後溫服日三

黃連散方 治脾胃積熱風冷乘之脣結核

黃連去鬚 升麻 龍膽各一兩

為散綿裹如彈子大臨臥新汲水浸過含化嚥津

治脣生核腫痛如彈方

牛膝燒灰存性研 先以鍼刺出惡血次用藥少許以新汲

水調塗核上

治脣黑腫生核痛痒不可忍方

古銅錢青者西文 放石上以臘月豬脂磨取汁塗之

重舌 舌腫強 牙齒歷壺 牙齒疼痛

齒齲

重舌

論曰重舌者以心脾二經蘊伏熱氣循緣經絡上衝舌木遂令舌下血脉脹起如小舌狀故謂之重舌蓋心開竅於舌足太陰之脉屬脾絡胃上膈俠咽連舌本散舌下故也
紫雪服之甚効

牛黃散方 治重舌

牛黃研

人參

各半兩

白茯苓

三分

大黃

炒半兩

當歸

甘草

炙半兩

丹砂

研半兩

舌腫強

為散每服半錢溫水調下甚者加至一錢食後服

論曰心氣通於舌脾脉挾咽連舌本散舌下心脾二經受

風邪則舌本強不能卷舒久或熱氣加之則腫腫則脉筋

脹急勢連咽喉礙於呼吸法宜刺之洩去惡血及餌以藥

白茯苓湯方 治舌腫強

白茯苓

牛黃

研各三分

犀角

屑一分

甘草

炙

人參

羚羊角

屑

熟乾地黄

白朮

桂

各半兩

每服三錢水煎溫服日三

百草霜方

治舌忽緊轉逡巡能塞煞人者

百草霜

好鹽

各半兩

同研勻表裏塗之立效

麈蟲散方

治舌腫滿口言語不得

麈蟲

五十枚

鹽

半兩

細研為散每服以水煎熱含冷吐以差為度

螵蛸散方

治木舌腫強

桑螵蛸

十二月者炙黃

每服半錢萊菔汁調下

蚯蚓塗方 治舌腫滿塞喉欲死

蚯蚓條 以少許鹽花化為水以塗咽喉舌上良久消漸

牙齒歷蠹

論曰牙齒歷蠹者腎虛弱也骨髓不固氣血衰耗不能榮潤於牙齒故令人牙齒黯黑謂之歷蠹

麝香散方 治齒歷蠹

麝香一匙 定粉一錢 黃蠟半兩 細研前二味鎔蠟調之

難在紙上每臨臥時剪作片子貼所患齒上

升麻散方 治牙齒歷蠹齒根黯黑

升麻 槐枝灰各半兩 白附子 蜜陀僧煨 露蜂房

各一分 為散入地黃汁一合和勻陰乾每用揩齒

牙齒疼痛

論曰牙齒疼痛有二手陽明脉虛風冷乘之而痛者謂之風痛蟲居齒根蝕侵不已傳受餘齒而痛者謂之蟲痛二者不同古方有塗傳漱潔之藥治去風蟲用之各有法也

細辛散方 治牙齒疼痛頭面浮腫喫冷熱物不得

細辛 芎藭 藁本 獨活各一兩 地骨皮半兩 疾藜

子三分 為散綿裹如江豆大含化嚥津每日三五度易

之去膈間風熱若患頭風鼻塞先以油塗頂心以手摩一二百遍次用散一錢又摩頂心依前法

地骨皮湯方 治牙齒疼痛吃物不得

地骨皮一兩 細辛半兩 生乾地黄一兩 戎鹽一分

每用五錢以水煎三五沸熱漱冷吐以差為度

地黄湯方 治牙齒痛

生乾地黄三兩 獨活一兩 咬咀每用五錢以酒一盞浸

一宿煎十餘沸熱漱冷吐以差為度

柳枝湯方 治齒痛連牙額疼

柳枝 槐枝 黑豆各一合 蜀椒炒去目半兩 青鹽

細辛 羌活各一分 除椒鹽外剉先以水六盞煎取二

盞入椒鹽再煎一盞通口漱之不拘時候以差為度

齒齲

論曰齒齲如疳齲蟲之證齒根先露壞爛膿血俱出口內氣息蓋緣臟腑壅滯熏發上焦攻衝齒牙又有嗜肥甘過多或宿食在齒根不能漱去致腐爛之氣淹漬而成者

雄黃膏方 治齒齲蟲蝕牙齒

雄黃別研半兩 牛酥五兩 黃蠟 白蜜各一兩 藁本三分

丹砂 別研一分

藜蘆 一分

升麻

川芎

白芷

杏仁 去皮

尖雙仁各半兩

除別研藥并蜜蠟外餘細剉先於鐺中以酥

煎所剉藥候杏仁赤黑色去渣下蜜蠟煎二十沸候膏成續下別研藥攪勿住手候凝成膏於瓷器盛毋以少許塗齒病處或蟲孔中點之大驗

薔薇根膏方 治齒蠶

薔薇根 二兩

地骨皮 一兩

葱根 一兩

胡粉 一兩

白蠟 一分

前三味俱剉以水二大盞煎至半盞以重抄紙半張浸之暴乾更濕浸汁盡為度乾了以粉蠟塗之於上

剪作條子夜臥貼之神效

細辛散方 治齒蠶齒根腐爛

細辛 二兩

川升麻 二兩

地骨皮 二兩

魚蒿 二兩

牛膝 二兩

生地黄 五兩

都燒為灰細研每夜臨臥傳齒根或以蠟

紙上貼之至旦即去

黃礬散方 治疔蠶齒根宣露

黃礬 燒灰一分

麝香 研一錢

乾蛤殼 燒灰研一分

防風 去叉

獨活 各一兩

除別研外為散以煖漿水漱口後用藥貼

齒根上有涎即吐出日再貼即差

藜蘆散方 治齒疳風蠶疼痛不止

藜蘆

蜀椒去日炒

附子

各一分

麝香

研一錢

先以三味為散次下麝香和勻每用一錢綿裹置所患處有涎吐之

蟲蝕牙齒

腎虛齒風痛

齒風腫痛

齒斷腫

骨脂風附

風疔

齒間出血

齒齲

牙齒動搖

蟲蝕牙齒

論曰字書謂凡動皆風蟲以風化蓋手陽明脉入於齒其

經虛損骨髓不榮風邪乘之攻入於齒毒氣與溼相搏而生蟲故云蟲蝕牙齒也其狀齒根有竅或作疼痛甚則搖動宣露浮腫作瘻世俗亦呼為蚰牙

玉池散方

治蟲蝕牙齒蛀虫風痒搖動疼痛及牙宣出

血氣息浮腫等疾

地骨皮

白芷

升麻

防風

細辛

芎藭

槐花

當歸

藜蘆

甘草

共十味等分搗羅為末散常用指牙良久以溫水漱次用藥散二錢生薑三片黑豆三十粒同煎含冷吐

附子丸方 治久患牙疼及齒疰

附子一兩去皮 臍生用 蜀椒 萆撥 黃蠟各一分

四味搗羅三味為末 鎔蠟和丸如梧桐子大 每用綿裹一丸以患牙咬之 如疰安在疰竅內

比金散方 治牙疼不止 去風疰神功効

雄黃不拘多少

一味研細隨左右疼處以刺耳子送入耳中立止

治牙齒風疰疼痛方

烏頭去皮臍 芎藭 甘草 地骨皮 細辛 高良薑

白芷等分 共七味搗羅為散以指點藥指於痛處出涎

以溫水漱三五度即差

腎虛齒風痛

論曰腎主骨髓齒者骨之餘而隨之所養也 足少陰經虛氣血不能榮養骨髓故因呼吸風冷或漱寒水冷則令齒痛而不已

地黃丸方 治腎臟虛食冷熱齒皆痛

生地黃一兩 白茯苓 防風 獨活 枸杞子 山藥 各半 右六味搗羅為末 鍊蜜丸如梧桐子大 每空心

煎棗湯下十丸至十五丸

鷄腸草散方 治腎虛齒痛指牙烏髭鬚駐顏

鷄腸草 白礬 訶梨勒皮 藿香子 旱蓮子

晚蠶沙 青鹽 茜根 皂莢 各一兩 麻粩 半兩

共十味除礬并青鹽藿香蠶沙外各剉半寸用薊瓶一枚開口入諸藥在內紙筋鹽泥固濟以炭火半秤煨盡火放冷取出研如粉早晨食後夜臥搯三兩上項之漱口

齒風腫痛

論曰齒風腫痛者齒根虛浮牙齒疼痛或過呼吸風冷其痛愈甚則斷膻腫赤乃至動搖此蓋手陽明經虛風客其脉流注齒間故為齒風腫痛之患也

芎藭湯方 治風齒疼腫及口瘡

芎藭 當歸 獨活 細辛 白芷 各一兩

其五味搗為末每用五錢水煎熱含冷吐如此三五次易取差為度

單撥散方 治諸陽氣虛風攻牙齒疼痛不任寒熱嚼物

隱痛

葶撥 苦參 防風 升麻 各三兩 藁本 一分

共五味搗羅為散每三錢水煎熱漱冷吐

皂莢湯方 治諸風齒疼痛

皂莢 一挺去皮子 露蜂房 一枚 鹽 一分

三味劈剉分為三貼每貼以漿水煎熱漱冷吐

齒斷腫 骨膈風附

論曰足陽明之脉起於鼻交頰中旁約太陽之脉下循鼻外入上齒中手陽明之脉其支者從缺盆直入上頸貫頰下入齒縫中若其經虛風熱所襲傳流齒牙攻注斷肉則

致腫痒甚者與斷間津液相搏化為膿汁或血宣而不已

黃芩湯方 治齒斷腫痛及蟲蝕

黃芩 甘草 當歸 細辛 各一兩 蛇床子 桂心 各一兩

右六味共搗篩為粗末每用五錢酸漿水一盞煎

十沸熱含冷吐

地骨皮散方 治骨膈風牙齒宣露腫痒浮動疼痛作時

或斷爛生瘡兼治大人小兒口瘡

地骨皮 麥蘖 各一兩 豬牙皂莢 半兩 青鹽 一分

右四味同搗碎入鍋炒搗羅為散每用先以鹽漿水

嗽口搽擦

風疔

論曰風疔之病其候臍斷虛腫牙齒動搖侵蝕齒根腐殞脫落下攻斷頰損爛膿血俱出者是也蓋緣手足陽明之經氣虛風邪熱毒在胃蘊積日久上熏胸間攻發口齒故成斯疾

升麻細辛散方 治風疔痒痛侵蝕斷爛

升麻 細辛 藁本 防風 芎藭 凝水石研各一兩

甘草炙半兩 右七味搗研為散取少許貼齒痒處又取

一錢綿裹含化嚙津常令藥味相接為佳

治風疔出血及牙齒浮動牢牙散方

皂莢五挺燒存性小者用十挺 附子一枚生 乳香研半兩 麝香研少

許 四味搗研為末如常指齒良久漱之頻用為妙

齒間出血

論曰邪僭熱在上流傳於手陽明之脉注於齒間則令齒斷虛腫甚者齒間出血蓋血性得溫則宜流故也

龍腦散方 治牙齒疼痛斷間血出去口氣辟風冷

龍腦研一分 蔓荊實 細辛 升麻各一兩

共四味搗羅三味為散入龍腦拌勻每用半錢揩齒
良久以溫湯漱口

胡粉散方 治牙宣血出不止

胡粉半兩 麝香研半錢

二味同研為散臨臥淨指牙漱口

兼能牢牙

齒齲

論曰齒齲之病由風熱邪氣客於手足陽明二經其狀斷
腫或腫膿出而瘻久則侵蝕齒斷宣露一名風齲

蜀椒湯方 治牙齒風齲疼痛

蜀椒去日并合口者

芎藭 細辛 升麻 莽草 防風

黃芩各一分

右九味搗篩每用五錢水煎熱漱冷吐

白礬散方 治齲齒斷腫出膿汁

白礬一分燒灰

蟾酥半分

乾蝦蟇

麝香半分

雄黃半分

熊膽一分

右六味搗羅為散每用半錢傳牙根

牛膝散方 治牙齒風齲疼痛解骨膈風毒氣

牛膝一兩燒為灰

為末以少許著齒間含之

又方 取郁李根一握切水一盞煎至六分熱含之吐出

蟲長六分黑頭蟲

牙齒動搖

論曰手陽明支脉入於齒足太陽之脉又徧於齒為骨之所終髓之所養若經脉虛風邪乘之血氣損少不能榮潤故令動搖也

治齒風動搖捍齒牢牙方

丹砂

別研一兩

青礬

別研半兩

白礬

別研半兩

馬牙硝

別研半兩

防風

半兩

細辛

半兩

黃蠟

一兩

麻油

三兩

松節

二兩

當歸

半兩

松脂

二兩

黃芪

一兩

臘月豬脂

半斤

右十三味除脂蠟油外並細剉先於鐺中煎脂濾去

滓次下油煎三兩沸續下剉藥煎十餘沸以綿濾去滓再下蠟並別研藥慢火養成膏於瓷器盒盛每用少許塗傳患處即差

防風湯方

治齒根出露動搖疼痛

防風

一兩

蔓荊子

一兩

細辛

半兩

川升麻

半兩

地骨皮

半兩

赤茯苓

半兩

芎藭

一兩

其七味都剉碎和勻每用半兩以酒水同煎熟含就於患處良久冷即吐含盡為度日二此一劑永差矣

地黃丸方 治齒動搖

生地黄 五斤粗者取汁 山藥 四兩 枸杞根 三兩大者 人參 一兩

白茯苓 四兩 石五味先煎生地黄汁搗諸藥末用好酒

一斗別煎至三升入煎下地黄汁同再煎入白蜜一斤酥少許煎候可丸即成丸如小豆大每服酒下二十九日三服加至五服

咽喉門

咽喉閉塞不通 喉痺 馬喉痺

咽喉生癰 尸咽喉

咽喉統論

論曰咽門者胃氣之道路喉嚨者肺氣之往來一身之中氣之升降出入莫急乎是詳攷經絡流注即咽喉所繫非特肺胃為然故孫思邈曰應五臟六腑往還神氣陰陽通塞之道也又人之氣血與天地相為流通咽喉尤為出納之要故內經曰候主天氣咽主地氣若藏熱則咽門閉而氣塞甚則咽門破而聲嘶以至腫痛喉痺生瘡懸癰之屬與夫哽塞如有物妨悶痛痒多涎唾其證不一不可槩以實熱為治大率熱則通之寒則補之不熱不寒依經調之湯劑蕩滌之外復有鍼刺等法要皆急治時不可緩非若

臟腑積久之病磨化調養之可比也 一切咽喉病紫雪為要藥

升麻湯方 治喉中痛閉塞不通

升麻 木通 各一兩 射干 絡石 芍藥 羚羊角 三鎊

分 淡竹葉 杏仁 去皮尖雙仁炒各半兩

共八味除竹葉外搗篩每服三錢水煎入竹葉七片煎至六分溫服日三

喉痺

論曰喉痺謂喉裏腫塞痺痛水漿不得入也治稍緩殺人由脾肺不利蘊積熱毒外犯寒邪二經壅熱結於喉間痺

而不通其狀身熱惡寒治法有先鍼而後藥者可謂之急先務矣

射干丸方 治喉痺腫塞

射干 一兩 香豉 一合 杏仁 去皮尖雙仁炒 芎藭 犀角 各二兩

升麻 一兩 甘草 炙半兩 右七味搗羅為末鍊蜜丸

如小彈丸大每服一丸含化嚥津日可三五服

治咽喉閉塞不通方

大黃末 一分 蝸牛 二十七條 白礬末 馬勃 一分

四味於五月五日午時用白梅肉蝸牛同研和丸如

棟實大如患者開口不得即以水磨用竹管子吹下
喉中立差如輕者以綿裹含化一丸

透關散方 治男子婦人喉痺口噤牙關緊

雄黃研 猪牙皂莢蜜炙 去皮 藜蘆各一分

三味研為散每用一匙分彈入兩鼻中關透處即差

透巡不救方 治急喉痺

皂莢去皮子 生半兩 一味擣為末每服少許筋頭點腫處更

以醋調藥末厚塗項下須臾便破血出即愈

馬喉痺

論曰馬喉痺之狀勢如奔馬喉間痺痛腫連頰骨壯熱煩
悶數數吐氣者是也此蓋脾肺不利熱毒攻衝發於咽喉
所致

生犀丸方 治熱衝喉間連頰腫數出氣煩滿

犀角 枳實 射干 海藻洗去鹹 升麻各一兩 杏仁

去皮尖 雙仁研 白附子 百合一兩半 胡黃連 蒺藜子各三

右十味搗羅為末鍊蜜丸如彈子大每服一丸綿

裹嚥津不計時

天門冬丸方 治馬喉痺咽喉腫痛唇焦舌乾頰連腫

天門冬 玄參 惡實炒各一兩 百藥煎半兩 人參一分

紫蘓葉半兩 甘草炙一兩半 蓬砂研一分 龍腦一分

右九味搗研為細末鍊蜜和丸如皂子大每服一九食後臨臥熟水下

治馬喉痺腫連頰吐氣方

馬嚼鐵具一 以水三升煎至一升細細含嚥

龍腦散方 治馬喉痺頰咽痛

白龍腦細研 牛黃細研 犀角屑 羚羊角屑 玄參

馬牙硝細研 沉香 甘草炙 硃砂以上各一分 蓬砂研一分

錢 升麻半兩 右十一味除龍腦牙硝搗篩為散每服

三錢水一盞竹葉七片同煎去滓溫入龍腦馬牙硝一錢攪令勻細細含嚥

咽喉生癰

論曰肺氣上通於喉嚨胃經外連於咽嗑其氣和平則呼吸嚥納無所妨礙若脾肺壅熱熏發上焦攻於咽喉結聚腫痛不得消散熱氣熾盛致結成癰妨害吐納古方論一寸為癰二寸至五寸為癰其候使人寒戰欬吐稠濁善用鍼者辨其可刺宜速破之仍施以點餌之劑

天門冬煎方 治喉癰咽盛不利

生天門冬升 汁二 人參兩一 生麥門冬升 汁一 生薑升 汁一

桂兩一 半夏湯浸七遍 赤茯苓兩二 生地黄升 汁一

升 甘草兩三 分

右十味除四味汁外餘六味為末先以天門冬麥門冬汁煎減半次入生薑汁又煎減半次又入地黃汁并餘六味末同煎汁欲盡即入白蜜一斤酥四兩同煎成煎以瓷盒盛不拘時以溫水調下一匙以差為度

射干湯方 治喉癰咽盛腫塞及心肺熱極吐納不利

射干兩半 升麻 大黃生用 惡實生用各一兩 木通

馬藺子炒半兩 右六味搗篩每服三錢竹葉七片水煎

去滓下馬牙硝半錢攪令勻不拘時候細細溫服

尸咽喉

論曰道家服藥務先去三蟲者以其為人害也尸咽之病亦本如此巢氏謂腹中尸蟲上蝕咽喉能令生瘡或痒或痛如蟹候者是也善攝生者儻未能除去亦當服藥治之勿使妄動則善矣

黃檗湯方 治尸咽喉閉塞出瘡及乾嘔頭痛食不下

黃檗炙半兩 升麻 木通各一兩 竹茹三分 麥門冬一兩

半 玄參一兩 前胡 大青各三分

共八味搗篩每服三錢水煎去滓入芫硝末一錢攪
勻溫服如鼻中有瘡以生地黃汁少許滴入鼻中日
三五服不計時候若通利加芫硝不欲利去之

一捻金方 治尸咽及走馬喉痺或腦內生癰

雄黃研 藜蘆 猪牙皂角去皮子各一分

三味搗研為散先含水一口用藥一米許搐鼻內即

吐去水少時立效

咽喉中有物妨悶 骨鯁 誤吞諸物

咽喉中如有物妨悶

論曰喉者胃之系故咽主嚥物天氣通於肺故主通氣咽
喉如有物妨悶者乃肺胃壅滯風熱客搏結於咽喉使然
故聖惠謂憂愁思慮氣逆痰結皆生是疾也

射干湯方 治咽喉中如有物噎塞不下

射干 升麻 紫苑 百合各半兩 木通一兩 赤茯苓

桔梗各三分 右七味每服一錢水煎食後溫服如要通

聖濟總錄卷之十九 有物妨悶 三

利每服加朴硝末一錢同煎服

半夏湯洗七通 木通 乾薑各一兩 芍藥 桑根白皮

共五味每服三錢入鹽少許煎溫服又一方搗羅為末鍊蜜丸如梧桐子大每服十五丸食後生薑湯下加至二十九

四物湯方 治咽喉中如有物嚥吐不利

半夏薑汁浸一宿焙 厚朴薑汁炙 陳橘皮浸去白各一兩 赤茯苓

苓二兩 共四味每服二錢入生薑二片同煎食後溫服

厚朴湯方 治咽喉中如有物

厚朴薑汁炙炒 赤茯苓各一兩 半夏洗七遍切焙一兩半 紫蘇葉

一兩 共四味每服三錢入生薑三片同煎食後溫服

石蓮湯方 治咽喉如有物噎塞飲食不下

石蓮 人參 杵頭糠各一分

共三味每服三錢水煎溫服日二

杵糠丸方 治咽喉中如有炙鬻食即噎塞

確杵頭細糠二合 一味為末鍊蜜和丸如彈子丸每空

腹含化一丸微微嚥津下

咽喉中如

杏仁煎方 治肺胃壅滯咽喉中如有物妨悶

杏仁湯浸去皮尖雙仁炒 桑根白皮 貝母各一兩半 生薑一分

地黃汁二合 酥半兩 大棗六十枚 紫苑二分 甘草

炙 桔梗炒 五味子 赤茯苓去黑皮 地骨皮各一兩

人參三分 共十四味研杏仁以水五升濾取汁將草藥

細剉同煎至二升以綿濾去滓續下酥及地黃汁浸

火煎成膏每食後含一匙細細嚥津

骨鯁

論曰用藥之法有不取於氣味特以意為用者若魚網虎

骨之治骨鯁是也然網能制魚乃魚之所畏虎能伏獸乃獸之所畏其所制伏既不同則用之不異矣

治咽喉諸鯁軟骨散方

赤茯苓 陳橘皮浸去白各半兩 甘草炙 縮沙仁各一分

共四味為散每用二錢先摻口中次用新水一盞下嚥

馬渤散方 治骨鯁在喉中不出

馬渤 白礬灰 惡實 陳橘皮浸去白各半兩

共四味研為末漿水和丸如櫻桃大含化嚥津

橘皮丸方 治骨鯁在喉中不出

陳橘皮

去白半兩

烏賊魚骨

去甲

沙糖

各一分

右三味搗羅為末鍊蜜和丸如皂子大綿裹含嚥

栗皮丸方

治諸骨鯁在喉中不出

栗子肉上皮

半兩為末

乳香

鮎魚

各一分

三味同研為丸如梧桐子大看骨遠近綿裹一九水

潤外留綿線吞之即釣出

飴糖丸方

治諸魚骨鯁在喉中

飴糖

不拘多少

一味為丸如鷄子大吞之又漸作大九子

再吞即效

魚網散方

治諸魚骨鯁在喉中

捕魚網

一片

一味燒灰研細每服一錢新水調下又以

魚網覆鰓人頭上即下

鷓鴣散方

治諸魚骨鯁在喉中

鷓鴣毛翅

十片

一味燒灰細研每服一錢濃汁橘皮湯

調下或以綿裹含嚥即下

薤白嚼方

治諸魚骨鯁在喉中

薤白一味嚼令揉取籠線繫之持線一端吞薤到鯁

處引之即出

搽筋引方 治諸魚骨鯁在喉中

鹿筋不拘多少 一味漬之令軟索如彈丸持一端吞之至

軟處徐徐引出

虎骨散方 治諸獸骨鯁

虎骨 一味研細每服一錢水調下狸骨亦得

血餘散方 治食中髮鯁不下達喉

亂髮一團燒灰 一味研為細散每服一錢粥飲調下

豬膏吞方 治諸鯁

豬膏 一味吞如杏核大未差再吞

螻蛄散方 治諸鯁并刺不出

螻蛄頭一枚 一味為散以綿裹嚥津勿令鯁人知若刺

不出者塗刺瘡上即出

治諸鯁方

右方用木炭皮為末研令極細如無炭皮但堅炭亦可粥飲調下二錢四五服以鯁下為度

誤吞諸物

論曰誤吞諸物若金銀錢鈎之類雖非病之自內然無術以出之久則害人若舊梳治髮磁石出針皆意為之治不

特取其性味治藥之工可謂用心精微者矣

治誤吞針及箭鏃等方

肥豬脂肉不拘多少 一味煮令熟軟恣意飽食即下

治誤吞針方

磁石一彈大 一味口含之即出

瘦瘤門

五癭 諸瘤

五癭

論曰石癭泥癭勞癭憂癭氣癭是為五癭石與泥則因山

水飲食而得之憂勞氣則本於七情之所感氣則隨之或上而不下或結而不散是也

治癭瘤海藻散方

海藻一兩 昆布一兩 海蛤 木通 白茯苓三兩

桂心 羊靨十枚去脂炙黃

右七味搗研為散非時溫酒下三錢夜再服

茯苓丸方 治氣結喉中蓄聚不散成癭

白茯苓三兩 半夏湯洗去滑 生薑二兩 昆布

海藻各五兩 桂心 陳橘皮各一兩

右七味爲末鍊蜜丸如杏仁大常含化一粒細細嚥津令藥氣不絕

諸癰

論曰癰之爲義留滯而不去也氣血流行不失其常則形體和平無或餘贅及鬱結壅塞則乘虛投隙癰所以生初爲小核寢以長大若杯盂不痒不痛亦不結強方劑所治以治癭法同但癭有可鍼割而癰慎不破爾

消腫散方 治骨癰石癰肉癰膿癰血癰大如盃盂升斗者二三十年不差致有膿潰令人骨消肉盡或堅或

軟或潰令人驚惕寤寐不安體中掣縮

烏賊魚骨

去甲

硫黃

各一分

白石英

紫石英

鍾乳

各半兩

乾薑

大黃

炒

附子

去皮臍

胡燕屎

琥珀

各一兩

丹參

三分

共十一味爲散貯以韋囊勿令氣洩若瘡濕卽傳之若瘡乾無汁者以猪膏和傅日三四易之以乾爲度若汁不盡者至五劑十劑止著藥令人不疼痛若不消加芒硝二兩

神效散方 治項氣癰結附贅日漸增長

豬羊靨

各三十枚旋入猪膽內蘸過令乾

陳橘皮

去白一兩

三味為散每服二錢空心米飲調下初結不過數服覺消不用久服

療癰門

療癰結核

療癰寒熱

療癰久不差

療癰桔核

論曰癰癰結核者由風熱毒氣蘊積肝經攻注筋脉毒氣鬱而不散故項腋之間癰癰結聚成核或如梅棗核狀累累相連其證令人乍寒乍熱頭項強痛心神煩躁蓋毒氣

與氣相搏則榮衛不和使之然也

沉香湯方 治癰癰毒腫

沉香 丁香 木香 麝香 研各一分 連翹

黃芩 各半兩 犀角 一兩半 升麻 一兩

每服五錢水煎溫服空心日午夜臥各一服

凝冰散方 治風熱毒氣項下結核及欲作癰疽瘡癰發

背等疾

菉豆粉 乳香 研各一兩 二味合研為散實人分作四服

虛人分作八服食後米飲調下就有核處一邊臥盡

劑必差大消腫痛

內消方 治癰癧腫結

蝸牛殼不拘多少 一味搗為細散每服二錢空心米飲調

下日再至四十九日自消

消毒塗方 治風熱結鞭腫赤疼痛及腮頰下忽結成核

大黃二兩 景天即慎火草 二味同研爛塗於患處日再傅

平肌散方

黃狗骨頭燒灰各一錢 鱖鯉甲燒灰各一錢 亂髮一團紙燒灰

三味研勻如瘡口已乾用白津唾調溼傅之日三四

次瘡即平愈

治癰癧在項上結成顆塊及觸處但有結疑似作癩癰急

灸法

獨頭蒜一斤 一味截兩頭去心作艾炷火與蒜稱貼癰

子灸之勿令破肉但取氣而已覺熱勿畏每七壯易

蒜可至七易取消

治五種癰癧牡蠣散方

牡蠣煨研 連翹瓦上炒各一兩 二味為細散每服一錢臨臥

無灰酒調下差後更服一兩永不發

聖濟總錄卷之九
瘰癧寒熱

論曰甲乙經論瘰癧寒熱皆鼠瘻寒熱之毒氣留於脉而不去上攻於項腋之間風熱毒氣與血相搏則榮衛不和故瘰癧而發寒熱也

連翹丸方 治瘰癧寒熱結核在項腋之下墜痛

連翹 立參 木香 升麻 各一兩半 大黃 蒸半兩

大麻子 別研微炒 昆布 各二兩 枳殼 剉炒一兩半

共八味搗羅為末鍊蜜丸如梧桐子大每服十五丸食前米飲下加至二十丸

木香消毒湯方 治瘰癧連連大小疔熱煩悶

木香 大黃 生用各半兩 竹葉 乾者一分 連翹 一兩

獨活 半兩 梔子仁 一分

共六味每服三錢水酒童子小便共一盞同煎溫服瘰癧久不差

論曰風熱毒氣蘊積腑臟攻於筋膜則結為瘰癧其毒氣所感深者則衝發肌肉令久不差此疾尤忌憂思恚怒氣血勞傷飲食寒冷

漏蘆湯方 治瘰癧久不差將欲破者

瘰癧久不差

漏蘆 半兩 洗焙

海藻 半兩

連翹 一兩

沉香 半兩

山梔子仁 一分

玄參

丹砂 各三分

右七味搗篩每服三錢水煎溫服

烏雞丸方 治療癰久不差

烏雞卵 一枚 錦貝子

二味將錦貝子入在雞卵內用濕紙裹頭七重再用泥固濟火煨過後入地坑內出火毒一宿取出研細入大黃末半兩麝香一錢同研細鍊蜜丸如棗豆大空心蜜水下五十丸不過五服效

連翹湯方

治療癰不差敗肉生膿

連翹 犀角 各一兩 玄參 木通 黃耆

漏蘆 杏仁 去皮尖雙仁炒 黃各一兩半

共七味搗篩每服五錢水煎食後溫服日

